

四庫全書

史部

欽定四庫全書

史部  
戰國策校注卷十九

詳校官編修臣曹錫齡

編修臣裴謙覆勘

總校官編修臣王燕緒

校對官編修臣盧遂

謄錄監生臣李世麟

欽定四庫全書

戰國策校注卷九

宋 鮑彪 原注

元 吳師道補正

燕東有無陽右北平遼西遼東西有上谷代郡鴈門南有涿郡之易容城范陽北有新城故安涿

縣良鄉新昌及渤海也西而樂浪玄菟亦屬焉

文公桓公元年顯

秦陽君

衍李兌

李兌其不取於蘇秦

傳亦云正曰奉陽君李兌者通封邑

姓名言之也蘇秦當作蘇代因蘇秦稱奉陽君不說之語而訛也此策有蘇代為奉陽君說燕於趙以伐齊秦

陽君不聽乃入齊即奉陽君不取蘇秦之事也李兌因為蘇秦云云此李兌二字誤差也大事記以此章備載於蘇秦說燕與趙合從之下又據古史謂肅侯時奉陽君公子成實未亡削去捐館之語愚嘗辨蘇秦所稱奉陽君必別為一人奉陽君實李兌非公子成也且此章知決為蘇代者其言曰燕弱國也東不如齊西不如趙又曰燕亡國之餘此言正子噲之後昭王未破齊之時也文公據全燕之盛何得若此言哉史遷謂世言蘇秦事多異代厲事有類者皆附之秦則此類也

蘇秦在燕李兌因為蘇秦謂奉

陽君曰齊燕離則趙重齊燕合則趙輕今君之齊

謂以燕合

齊非趙之利也臣竊為君不取也奉陽君曰何吾合燕

於齊

問何以言然

對曰夫制於燕者蘇子也

言其制燕

而燕弱國



也東不如齊西不如趙豈能東無齊西無趙哉而君甚

不善蘇秦蘇秦能抱弱燕而孤於天下哉是驅燕而使

合於齊也且燕亡國之餘也

惠公六年大夫誅其姬而惠公奔齊齊晉入之至而

卒正曰史年表燕惠公欲殺公卿立幸臣公卿誅幸臣

公恐出奔齊此事在周景王六年至燕文公二十八年

蘇秦說燕之歲為二百有五年不應遽舉此事此必齊

破燕昭王既立之時也以此言知非蘇秦約從時事說

亦見其以權立

權謂外與貴也以重外以事貴

並謂齊趙正曰以權立者謂燕

破亡之餘太子平以權宜立其勢微弱必重外必事貴外與貴謂他國齊趙之屬也

故為君計善

蘇秦則取之

取言與交

不善亦取之以疑燕齊

齊不善蘇子蘇子在

燕而趙人取之則齊疑燕合趙而  
外已齊疑燕燕亦不能信齊矣

燕齊疑則趙重矣齊

王

宣正

曰湣疑蘇秦則君多資

疑其合燕於趙

奉陽君曰善乃使使

與蘇秦結交

正曰此策非文公時

蘇秦將為從

此二十八年

北說燕文侯曰燕東有朝鮮

屬樂浪補

曰朝鮮箕子所封今高麗國索隱云音潮仙

遼東

并州郡

北有林胡樓煩

補曰見趙

策西有雲中九原

屬五原補曰正義云雲中郡城在林榆縣東北九原郡城在林榆縣西界

二郡皆在勝州

南有呼沱易水

出涿故安補曰呼沱見前正義云易水源出易縣西谷中之東

東南流與滹沱河合水經易水出涿郡故安縣良鄉西山大事記引此二條

地方二千里帶

甲數十萬車七百乘騎六千匹粟支二年南有碣石雁門

之饒

并州郡補曰正義云碣石山在平州燕東南雁門山在代燕西南

北有棗栗之利民

雖不田作棗栗之實足食於民矣此所謂天府也夫安樂

無事不見覆軍殺將之憂無過燕矣大王知其所以然乎

夫燕之所以不犯寇被兵者以趙之為蔽於其南也秦趙

五戰

補曰設辭也

秦再勝而趙三勝秦趙相蔽而王以全燕制

其後此燕之所以不犯難也且夫秦之攻燕也踰雲中九

原過代上谷彌地踵道

彌猶亘踵猶繫正曰踵足後也徐曰猶言繼踵也

數千里

雖得燕城秦計固不能守也秦之不能害燕亦明矣今趙

之攻燕也發號出令不至十日而數十萬之衆軍於東垣

矣

垣謂城正曰正義云東垣趙之東邑在恒州真定縣南故常山城

度呼施涉易水不至

四五日而距國都矣故曰秦之攻燕也戰於千里之外趙

之攻燕也戰於百里之內夫不憂百里之患而重千里之

外計無過於此者是故願大王與趙從親天下為一則國

必無患矣燕王曰寡人國小西迫強秦促近齊趙

補曰一本南近

齊魏齊趙強國

補曰一本有也字

今主君幸教詔之合從以安燕敬

以國從於是齊蘇秦車馬金帛以至趙

傳在說諸國之初

權之難

與齊戰也

燕再戰不勝趙弗救噲子

文公孫子噲

謂文公

曰不如以地請合於齊趙必救我若不吾救不得不事

燕齊合則趙輕雖不救我後必事我

文公曰善令郭任以地請講於齊趙

聞之遂出兵救燕

齊策此役言及魏冉知為文公末年補曰大事記從鮑說

易王

文公子元年顯王三十七年己丑

燕文公時秦惠王以其女為燕太子婦

文公二十年正曰史二十八年

文公卒易王立齊宣王因燕喪攻之取十城武安君蘇

秦為燕說齊王再拜而賀因仰而弔

補曰索隱曰當時慶弔應有其辭史

不錄耳

齊王按戈而却曰

却秦使退

此士何慶弔相隨之速也

對曰人之饑所以不食烏喙者

本草烏頭一名天雄

以為雖偷充

腹而與死同患也今燕雖弱小強秦之少婿也王利其

十城而深與強秦為仇今使弱燕為雁行而強秦制其

後以招天下之精兵

此言秦兵為天下精

此食烏喙之類也齊王

曰然則柰何乎對曰聖人之制事也轉禍而為福因敗

而為功故桓公負婦人而名益尊

齊桓公也好內而霸正曰齊伐宋章蘇代

曰智者之舉事也轉禍而為福因敗而成功齊人紫敗素也而賈十倍正義引韓子云齊桓公好服紫一國盡服紫當時十素不得一紫取惡素帛染為紫其賈十倍按二章所稱文意正同蓋紫者婦人之服紫敗素得厚利所謂名

韓獻開罪而交愈固

宣十二年楚伐鄭許之平晉救之荀桓子欲還

彘子不可韓獻子謂桓子彘子以偏師陷子罪大矣不如進也戰于邲晉敗績成十三年獻子將下軍孟獻子曰晉師乘和必有大功十六年戰于鄢陵楚敗績此皆轉禍而為福因敗而為

功者也王能聽臣莫如歸燕之十城卑辭以謝秦秦知王以已之故歸燕城也秦必德王燕無故而得十城燕亦德王是棄強仇而立厚交也且夫燕秦之俱事齊則

大王號令天下皆從是王以虛辭附秦而以十城取天下也此霸王之業

衍矣字

矣所謂轉禍為福因敗成功者

也齊王大說乃歸燕城以金千斤謝其後頓首塗中

塗泥

也自卑之甚

願為兄弟而請罪於秦

傳有

人有惡蘇秦於燕王者曰武安君天下不信人也王以萬乘下之尊之於廷示天下與小人羣也武安君從齊來而燕王不館也謂燕王曰臣東周之鄙人也見足下初見

身無咫尺之功而足下迎臣於郊顯臣於廷今臣



為足下使利得十城功存危燕足下不聽臣者人必有

言臣不信傷臣於王者且臣之不信是足下之福也使

臣信如尾生廉如伯夷孝如魯參三者天下之高行也

而以事足下可乎

補曰姚本作不可乎

燕王曰可曰有此臣亦不

事足下矣

衍蘇秦曰三字

蘇秦曰且夫孝如魯參義不離親一

夕宿於外足下安得使之之齊廉如伯夷不取素飧

詩註

素空也

汙武王之義而不臣辭孤竹之君

爾雅孤竹四荒中北國漢屬遼

西令

餓而死於首陽之山

伯夷傳註在蒲坂華山之北河曲之中

廉如此

者何肯步行數千里而事弱燕之危主乎信如尾生期

而不來

傳言與女子期

抱梁柱而死信至如此何肯揚燕秦之

威於齊而取大功乎哉

補曰燕秦燕字疑衍

且夫信行者所以自

為也非所以為人也皆自覆之術

覆猶庇護也自護其名

非進取

之道也且夫三王代興五霸迭盛皆不自覆也君以自

覆為可乎則齊不益於營丘

即北海營陵太公所封

足下不踰

楚衍

字楚

補曰此正以燕楚相遠言之

境不窺於邊城之外且臣有老母

於周離老母而事足下去自覆之術而謀進取之道臣

之趣固不與足下合者足下皆自覆之君也僕者進取  
之臣也所謂以忠信得罪於君者也燕王曰夫忠信又  
何罪之有也對曰足下不知也臣鄰家有遠為吏者其  
妻私人其夫且歸其私之者憂之其妻曰公勿憂也吾  
已為藥酒以待之矣後二日夫至妻使妾奉卮酒進之  
妾知其為藥酒也進之則殺主父言之則逐主母乃陽  
僵棄酒主父大怒而笞之也 笞擊妾之棄酒上以活主父  
下以存主母也

補曰陽僵覆酒事亦見列女傳云周室  
大夫妻一本故妾一僵而棄酒上以

云忠至如此然不免於咎此以忠信得罪者也臣之事

適不幸而有類妾之棄酒也且臣之事足下亢義益國

亢高極也  
言高其義

今乃得罪臣恐天下後事足下者莫敢自必

也且臣之說齊魯不欺之也使

行之字

之說齊者莫如臣

之言也雖堯舜之智不敢取也

言無成功者雖聖智不足取也按秦傳有而畧

補曰此與後章蘇代謂燕昭王章同惟中一段彼言燕欲伐齊事為異記者或有差互不可考也人言秦不信故秦言已之不信乃足下之福如尾生亦無益謂守行義不成功名者之不足貴也又曰僕所謂以忠信得罪則又以信自待公為反覆以誑時君而莫有詰之者也

王噲

易王子元年慎  
觀王元年辛丑

蘇秦死其弟蘇代欲繼之乃北見燕王噲曰臣東周之  
鄙人也竊聞王義甚高甚順鄙人不敏竊釋鋤耨而干  
大王至於邯鄲所聞於邯鄲者又高於所聞東周臣竊  
負其志乃至燕廷觀王之羣臣下吏大王天下之明主  
也觀其臣  
知其主王曰子之所謂天下之明主者何如者也對  
曰臣聞之明主者務聞其過不欲聞其善臣請謁王之  
過夫齊趙者王之仇讎也楚魏者王之援國也今王奉

仇讎以伐援國非所以利燕也王自慮此則計過無以  
諫者非忠臣也王曰寡人之於齊趙也非所敢欲伐也  
言雖知其讎以其  
強故奉之不敢伐  
曰夫無謀人之心而令人疑之殆有

謀人之心而令人知之拙謀未發而聞於外則危今臣

聞王居處不安食飲不甘思齊報齊

因喪見伐之怨  
正曰說誤見後

身

自削甲札

札牒也甲之革緣如之正曰札本簡牒之簿  
者甲用革為之左成十六年養由基躡甲而

射之穿七札焉注言  
能陷堅札側滑反

妻自組甲緋

緋綿也治之為組以  
穿札正曰景帝詔纂

組註組今綬絲條也韻書以繩直物曰緋此謂編組穿  
甲之繩也緋悲萌反鮑因莊子泝泝紕之文生義不知

役字與此不同

曰有大數矣

補曰一本身自削甲札曰有大數矣與下文同大事記引此姚本同

有之乎王曰子聞之寡人不敢隱也我有深怨積怒於

齊而欲報之二年矣

自即位至是正曰二年字必誤

齊者我讎國也故

寡人之所欲報也直患國敝力不足矣子能以燕報齊

寡人奉國而委之於子矣對曰凡天下之戰國七而燕

處弱焉獨戰則不能有所附則無不重南附楚則楚重

西附秦則秦重中附韓魏則韓魏重且苟所附之國重

此必使王重矣今夫齊王

閔

長主也

補曰司馬貞云年長也或謂齊強故

稱長

而自用也

不如燕之附人正  
曰自恃其強也

南攻楚五年穡積散

穡亦積

西困秦三年

為秦所困正  
曰秦為齊困

民憔悴士罷散

罷音北  
疲

與燕戰覆三軍獲二將

史並不書

而又以其餘兵南面西舉

補曰姚本而舉

五千乘之勁宋

舉宋在齊閔二十八年燕昭王  
二十六年比時未舉也而下十

二章亦言齊以宋地封涇陽蓋宋策齊宣也所拔五城  
正曰此言舉五千乘之宋非僅得其城邑而已蓋在滅  
宋之後明矣下章包十二諸侯即史  
所謂泗上諸侯鄒魯之君皆稱臣者

而包十二諸侯此

其君之欲得也

得其欲

其民力竭也安猶取哉

言齊不可  
復攻取

且臣聞之數戰則民勞久師則兵散

師兼不  
戰言之

王曰吾聞



齊有清濟濁河可以為固有長城鉅防足以為塞

補曰清濟

以下說見秦策

誠有之乎對曰天時不與雖有清濟濁河何足

以為固民力窮敵雖有長城鉅防何足以為塞且異日

也濟西不役

不役者養兵以備敵

所以備趙也河北不師所以備

燕也

補曰濟西齊州以西也河北謂滄景等州在漯河之北者正義云

今濟西河北盡

以役矣封內散矣夫驕主必不好計而亡國之臣貪於

財王誠能母愛寵子母弟以為質寶珠玉帛以事其左

右彼且德燕而輕亡宋

輕者易為之然則前言舉未亡也

則齊可亡已

王曰吾終以子

補補曰一本有子字姚同

受命於天矣曰內寇不與

寇猶亂與猶和

外敵不可拒

言不能制內則不可以拒外

王自治其外

謂謀敵齊

臣自投其內

謂治於內補曰為燕間齊投其內也

此乃亡之之勢也

彪謂燕昭

之舉實自代發之正曰大事記云戰國策載蘇代說燕之辭誤以為噲使噲能有志如是豈至覆國乎論其世考其事皆說昭王之辭也按史記誤同

蘇代為燕說齊未見齊王

閔

先說淳于髡曰人有賣駿

馬者比三旦

比猶連

立市人莫之知往見伯樂曰臣有駿

馬欲賣之比三旦立於市人莫與言子還而視之去而

顧之

顧反視補曰還當音旋義同

臣請獻一朝之費

元作賈補曰疑賈費字

伯樂乃還而視之去而顧之一旦而馬價十倍今臣

衍

字補曰一本無姚同

之欲以駿馬見於王

馬自喻也

莫為臣先後者

為

助

足下有意為臣伯樂乎臣請獻白璧一雙黃金千鎰

以為馬食

自喻為馬則此所獻馬之食也正曰獻此以為馬之食

淳于髡曰謹聞

命矣乃入言之王而見之齊王大說蘇子

陳翠合齊燕將令燕王之弟為質於齊

代傳說王喻已乃使一子質齊

正曰鮑因此指為王喻事然史云一子質齊而此云燕王之弟則不合矣其時未可定

燕王許諾

太后聞之大怒曰陳公不能為人之國則亦已矣焉有

離人子母者老婦欲得志焉

以殺辱之為快

陳翠欲見太后王

曰太后方怒子子其待之陳翠曰無害也遂入見太后

曰何臞也

臞少肉也

太后曰賴得先王鴈鶩之餘食不宜臞

者

補曰姚本無者字

臞者憂公子之且為質於齊也陳翠曰人

主之愛子也不如布衣之甚也非徒不愛子也又不愛

丈夫子獨甚太后曰何也對曰太后嫁女諸侯奉以千

金齋地百里以為人之終也

嫁則女之事畢矣封亦公子之終也

今王願

封公子百官持職

持猶守也封無功者爭之職也

羣臣効忠曰公子無

功不當封今王之以公子為質也且以為公子功也

補曰

一本且以為公子功而封之也姚同

而太后弗聽臣是以知人主之不愛

丈夫子獨甚也且太后與王幸而在故公子貴太后千

秋之後王棄國家而太子即位公子賤於布衣故非及

太后與王封公子則公子終身不封矣太后曰老婦不

知長者之計乃命公子乘車制衣為行具

補曰此與觸讐諫趙威后

同戰國所載事多如此然觸讐言尤婉切所以人多稱之

或獻書燕王燕

補曰一本無此燕字姚同

王而不能自恃

弱國必得援

不

惡卑名以事強事強可以令國安長久萬世之善計也

補

以事強而不可以為萬世則不如合弱將奈何合弱

而不能如一

以不一為無如之何

此臣之所以為山東苦也比目

之魚

爾雅東方有比目魚不比不行謂之鱈

不相得則不能行故古人稱

之以其合兩而如一也今山東合弱而不能如一是山

東之智不如魚也又譬如車士之引車也三人不能行

索二人五人而車因行矣今山東三國弱

蓋韓魏趙也

而不

能敵秦索二國因能勝秦矣然而山東不知相索者智

故不如車士矣胡與越人言語不相知志意不相通同

舟而凌波至其相救助如一也今山東之相與也如同

舟而濟秦之兵至不能相救助如一智又不如胡越之

人矣三物者

物猶事

人之所能為也山東主

補曰一本主上有之字

遂不悟此臣之所為山東苦也願大王之熟慮之也山

東相合之主者不惡

補

卑名之國者可長存

言山東欲存惟不羞

名卑者可也

之卒者

之猶其也卒猝同補曰疑當以三者字句不然卒者下有缺文

出土以

成韓梁之西邊此燕之上計也不急為此國必危矣王

必大憂今韓梁趙三國已合矣秦見三晉之堅也必南

伐楚趙見秦之伐楚也必攻燕

補曰一本必北攻姚同

物固有勢

異而患同者秦之伐韓故中山亡

秦不暇救故趙亡之正曰秦非助中山者

補曰一本之伐作久伐下句同姚並同

按趙策蘇厲

曰楚人久伐而中山亡魏策曰中山恃齊魏以輕趙齊

魏伐楚而趙亡中山大事記謂楚與魏連兵中山失助

而亡史稱主父與齊燕共滅中山則齊非中山與國也

愚謂中山近魏二國相善信矣趙與齊燕滅中山乃年

表惠文四年所書已與世家差一年且趙之有事中山

久矣自武靈十九年胡服以來攻城畧地無歲無之何

至此而始合齊燕滅之邪而秦韓齊魏伐楚敗唐昧重



丘當武靈二十五年是年趙年表書攻中山通鑑綱目  
書中山君奔齊齊策稱中山君臣於齊蓋四國伐楚而  
趙不與趙得以攻中山而亡之其君遂出奔也史所載  
與策合者莫明於此中山君自奔齊則與齊共滅之言  
未可據秦韓齊魏共伐楚則所謂楚魏連兵非此年齊  
策曰齊燕戰而趙氏兼中山則史記之言有誤大事記  
或未察也今燕策又謂秦伐韓故中山亡則韓亦助中  
山者是年秦伐韓取穰豈其事歟遇嘗因此策與齊策  
陳軫合三晉事同而辨中山非至惠文三  
年始亡特遷其主爾以此數策觀之尤信  
今秦之伐楚  
燕必亡之趙亡臣竊為王計不如以兵南合三晉約成韓

梁之西邊山東不能堅為此此必皆亡燕果以兵南合

三晉也

此三年與楚三晉攻秦彪謂此三物喻從之精者也故雖子噲庸主亦能感動惜乎言猶在耳

而諸侯之心已變矣此豈非天亡之哉正曰  
此章當是昭王時說見齊策秦伐魏章下

燕王噲既立蘇秦死於齊蘇秦之在燕也與其相子之

為婚而蘇代與子之交及蘇秦死而齊閔

元作宣  
下同宣

正曰

通鑑大事記報王二年齊湣王元年齊伐燕子之子噲  
死在報王元年正宣王時事策與孟子合甚明辨見秦

策王復用蘇代燕噲三年與楚三晉攻秦不勝而還子

之相燕貴重主斷蘇代為齊使於燕燕王問之曰齊

衍宣

字

宣王何如對曰必不霸燕王曰何也對曰不信其臣

蘇代欲以激燕王以厚任子之也於是燕王大信子之

子之因遺蘇代百金聽其所使鹿毛壽

鹿蓋鉅鹿壽之所居補曰徐廣

云一作厝毛甘陵縣本名厝音索隱云春秋後語亦作厝韓子作潘壽

謂燕王曰不如以

國讓子之人謂堯賢者以其讓天下於許由由必不受

有讓天下之名實不失天下今王以國讓相子之子之

必不敢受是王與堯同行也燕王因舉國屬子之

屬猶付與

子之大重或曰禹授益而以啓人為吏

以啓臣為益吏

及老而

以啓為不足任天下傳之益也啓與友黨

補曰姚本吏黨

攻益

而奪之天下是禹名傳天下於益也

補曰一本無也字

其實令

啓自取之今王言屬國子之而吏無非太子人者是名屬子之而太子用事王因收印自三百里石吏而効之

子之

補曰大事記以石計祿始見于此

子之南面行王事而噲老

以老自休

不聽政顧為臣國事皆決子之子之三年燕國大亂百

姓恫怨將軍市被太子平謀將攻子之儲子

見離婁下正曰何以

知即此人

謂齊閔宣王因而伐之破燕必矣王因令人謂太

子平曰寡人聞太子之義將廢私而立公飭君臣之義

飭成也猶正

正父子之位寡人之國小不足先後

補曰正義云先後並

去聲雖然則唯太子所以令之太子因數黨聚衆將軍市

被圍公宮攻子之不克將軍市被及百姓乃反攻太子

平將軍市被死以殉國構難數月死者數萬衆燕人恫

怨

元作恐補曰姚本作怨

百姓離意孟軻謂齊閔宣王曰今伐燕

此文武之時不可失也

補曰此當時所謂孟子勸齊伐燕者也使無孟子之書則人將

此言之信乎要之聖賢決無是事也推此則凡後世之誣罔聖賢而無徵者可知

王因令章子

將五都之兵

都大邑補曰索隱云五都即齊也臨淄是五都之一

以因北地之衆

齊之北近燕

以伐燕士卒不戰城門不閉燕王噲死齊大勝

燕子之亡二年而燕人立太

元作公

補曰當作太史有

子平是

為燕昭王

記三年有彪謂王噲七國之愚主也感蘇代之淺說貪堯之名惡禹之實自令身死國破

蓋無足算齊閔所以請太子者近於興滅繼絕矣而天下不以其言信其心蓋名實者天下之公器也豈可以虛稱矯舉而得哉故齊閔之勝適足以動天下之兵而速臨淄之敗也正曰大事記云子噲安知所謂堯舜者哉彼子之之徒借是名以篡國子噲特為說客所愚耳方子之未得國也則說以堯讓許由由不受有讓天下之名實不失天下噲於是乎以燕讓及子之既得國也則又說以禹不如堯薦益而以啓人為吏已而攻益奪其國噲於是乎收三百石吏以上而効之其愚至此尚足論乎後世因此遂有不可慕虛名受實禍之論是論肆行則利祿之外無非虛名妨吾利祿者無非實禍人紀滅矣此君子之所懼也欲不惑者其唯知實理乎

初蘇秦弟厲因燕質子而求見齊王

閔

齊王怨蘇秦

秦為

燕謀齊故

欲囚厲燕質子為謝乃已遂委質為臣燕相子之

與蘇代婚而欲得燕權乃使蘇代侍

元作持

補曰史持作侍

質

子於齊齊使代報燕燕王噲問曰齊王其霸乎曰不能

曰何也曰不信其臣於是燕王專任子之已而讓位燕

大亂齊伐燕殺王噲子之燕立昭王而蘇代厲遂不敢

入燕皆終歸齊齊善待之蘇代過魏魏為燕執代齊使

人謂魏王

哀正曰襄

曰齊請以宋封涇陽君秦不受秦非不

利有齊而得宋地也不信齊王與蘇子也今齊魏不和

如此其甚則齊不欺秦

秦所以不信齊疑其合魏也

秦信齊齊秦合

涇陽有宋地非魏之利也故王不如東蘇子

使歸齊

秦必

疑而不信蘇子矣

疑其合齊魏

齊秦不合天下無變

五國無秦之兵

伐齊之形成矣

時齊魏相惡故云

於是出蘇代代

補補曰史復有代字

之

宋宋善待之

補曰此策自蘇代過魏以下又見魏策疑自為一章而復出姚本別提行

昭王

增子補曰名平元年報王四年庚戌

張儀為秦破從連橫謂燕王曰

補曰儀說在昭元年

大王之所親



莫如趙昔趙王

元作王  
襄子也

王

正曰魏策稱襄子  
謂襄王即此類

以其姊為

代王妻欲并代約與代王遇於勾注之塞

補曰勾注  
見趙策

乃

令工人作為金斗長其尾

補曰索隱云凡方者為斗若  
安長柄則名科尾即斗之柄

其形若刀者是也按韻書  
科斗音同索隱皆云斗

令之可以擊人與代王飲而

陰告厨人曰即酒酣樂進熱飲

飲也

即因反斗擊之於是

酒酣樂進取熱飲厨人進斟羹

斟注也補曰即酒酣樂  
中請進熱飲句於是酒

酣樂進取熱飲句正曰索隱云熱而  
斟之是羹也斟謂羹汁故名汁曰斟

因反斗而擊代王

殺之王腦塗地

塗猶汚補曰一本反斗而擊之代  
王腦塗地正義云反斗倒柄擊也

其姊

聞之摩笄以自刺也

笄簪也

故至今有摩笄之山天下莫

不聞

補曰正義云摩笄山在蔚州飛狐縣東北百五十里事亦見趙世家大事記元王元年晉趙無恤

滅代解題代北狄之別種其國在今蔚州史記誤以簡子卒在貞定王十一年十二年滅代今從外紀古文又云襄子夏屋之役見史記行如虎狼蓋生於兼并無親之國而承簡子貪暴之規遂以為臨大利決大計非用仁義之所也

夫趙王

武靈

之狼戾無親

暴戾如狼

大王之所明見知

也且以趙王為可親邪趙興兵而攻燕再圍燕都而却

大王

趙燕記皆不書

大王割十城乃却以謝趙王已入朝澠池

補曰一本今趙王姚同

効河間以事秦今大王不事秦

補曰一本此句無今

字姚同

秦下甲雲中九原驅趙而攻燕則易水長城非王

之有也

濟北盧注云東至海蓋亦距燕云正曰易水見前章正義云長城在易州界

且今時

趙之於秦猶郡縣也不敢妄興師以征伐今大王事秦

秦王

昭

必喜而趙不敢妄動矣是西有強秦之援而南

無齊趙之患是故願大王之熟計之也燕王曰寡人蠻

夷僻處雖大男子裁如嬰兒

補曰裁史註音在僅也

言不足以求

正謀不足以決事今上客幸而教之請奉社稷西面而

事秦獻常山之尾

補曰尾猶末也恒山之東

五城

傳有在楚韓齊趙後彪謂燕昭賢智

主也非儀此說能震動且人之性稟有父子不相肖者  
自襄至武靈七八傳矣而欲以其狼戾無親例之人豈  
信之哉然而燕昭之聽之也卑甚蓋拊摩新附之民勢  
未可以有為又諸國從之者衆故為卑辭以紓其國是  
儀之橫有天幸也加之數年收集繕治有其緒則若云  
者固昭王之所唾而棄者史言蘇代復重燕燕使約從  
如初此昭王之  
素所蓄積也

官他為燕使魏魏不聽留之數月客謂魏王

哀正曰  
無考

曰

不聽燕使何也曰以其亂也對曰湯之伐桀欲其亂也

故大亂者可得其地小亂者可得其實今燕客之言曰

客即  
他事苟可聽雖盡寶地猶為之也王何為不見

補曰  
西周

等策有宮他未知即此人否事苟可聽魏王說因見云云語燕客之言以利誘王使見之也

燕客而遣之

彪謂是客也以隣國為壑者也彼惡知所謂天下為度者乎

燕昭王收破燕後即位卑身厚幣以招賢者欲將

補曰一本

此有以字姚同

報讎故往見郭隗

補曰五罪反

先生曰齊因孤國之

亂而襲破燕孤極知燕小力

補曰一本此有少字姚同

不足以報然

得賢士與共國以雪先王之恥孤之願也

記有此文

敢問以

國報讎者奈何郭隗先生對曰帝者與師處王者與友

處霸者與臣處亡國與役處

役僕

屈已而事之

屈枉也正曰屈

也猶言

折節 北面而受學則百已者至先趨而後息

先彼而趨後彼

而先問而後嘿則什已者至人趨則若已者至

補曰一本人趨

已趨是

馮几據杖

馮據也

眄視指使則廝

補曰音斯

役之人至

若恣睢奮擊

睢仰目正曰恣睢暴戾也後荀彧傳註暴怒貌睢香萃反唐史音雖

跳藉叱

咄

咄呵藉踐也當從足集韻咄呵也正曰咄呼俱呼具二反咄都活反下言叱咄上有咄字為復跳藉義亦

不類當是咄藉見韓策釋為跳躍此謂跳躍跳藉也

則徒隸之人至矣此古服道

致士之法也

服猶事事有道者

王誠博選國中之賢者而朝其

門下天下聞王朝其賢臣天下之士必趨於燕矣昭王

曰寡人將誰朝而可郭隗先生曰臣聞古之君人有以

千金求千里馬者三年不能得涓人

謁者也正曰楚世家涓人見國語韋

昭云今之中涓漢書顏注中涓官名居中而涓潔也如淳云主通書謂出入命也

言於君曰請

求之君遣之三月得千里馬馬已死買其骨五百金反

以報君君大怒曰所求者生馬安事死馬而捐五百金

涓人對曰死馬且買之五百金況生馬乎天下必以王

為能市馬馬今至矣於是不能期年千里馬之至者三

記無今王誠欲致士先從隗始隗且見事况賢於隗者

乎豈遠千里哉於是昭王為隗築宮而師之樂毅自魏往鄒衍自齊往劇辛自趙往士爭趣燕燕王弔死問生與百姓同其甘苦二十八年國殷富士卒樂佚輕戰於是遂以樂毅為上將軍與秦楚三晉合謀以伐齊齊兵敗閔王出走於外燕兵獨追北入至臨淄盡取齊寶燒其宮室宗廟齊城之不下者唯獨莒即墨

記同彪謂燕昭郭隗皆三

代人也欲為國雪恥君臣問對無他言專欲得賢士而事之此無競惟人之誼也欲無興得乎哉臣役之對天下之格言市馬之喻萬世之美談太史公獨何為削之亦異於孔氏刪修之法矣正曰立國用賢固三代之道



未可即以爲三代之人大史公固爲疎畧然孔氏刪修之法則不係此補曰大事記解題引國策說苑云云今按說苑文小異鴟冠子博選篇亦用隗言此則柳宗元所謂偽書取以充入者也客謂燕王曰

齊南破楚西屈秦用韓魏之兵燕趙之衆猶鞭策也

御諸

國如使齊北面伐燕即雖五燕弗能當王何不陰出使

密遣散游士頓齊兵之也頓勞敵敝其衆使世世無患燕王

曰假寡人五年寡人得其志矣蘇子曰請假王十年燕

王說奉蘇子車十五乘補曰姚本五十乘是南使於齊謂齊王

閔

曰齊南破楚西屈秦用韓魏之兵燕趙之衆猶鞭策也

臣聞當世之舉王

興起之王補曰舉字恐因下誤衍

必誅暴正亂舉無

道

五旬舉之之舉

攻不義今宋王

君

偃射天笞地鑄諸侯之象使

侍屏匱

屏廁也當作井匱路廁補曰周禮宮人為井匱注井漏井所以受水潦鄭司農云匱路廁也鑄

諸侯之象即後章秦王所謂宋王無道為木人以象寡人射其面者

展其臂彈其鼻此天

下之無道不義而王不伐王名終不成

補曰大事記云齊之伐宋也蘇

代寶啓之引策曰今宋王無道云云

且夫宋中國膏腴之地隣民之所處

也

齊民隣宋者處之

與其得百里於燕不如得十里於宋伐之

名則義實則利王何為弗為齊王曰善遂興兵伐宋三

覆宋宋遂舉燕王聞之絕交於齊率天下之兵以伐齊

大戰一小戰再頓齊國成其名故曰因其強而強之乃

可折也因其廣而廣之乃可缺也

虎謂聽言亦難矣蘇子所以告齊王天下

之正誼也齊用之不旋踵而招天下之兵故有事於天下者不可以人之言求諸已而已已無罪而後可以誅人之罪已無釁而後可以乘人之釁正曰宋固可伐矣齊之伐宋猶孟子所謂以燕伐燕不行仁政動天下之兵者也蘇代曰王不伐王名終不成伐之名則義實則利此豈天下之正誼哉

齊伐宋

此二十七年

宋急蘇代乃遺燕昭王書曰夫列在萬

乘而寄質於齊

寄猶委也一說如質子寄寓

名卑而權輕奉

元作秦

秦

補曰史作奉萬乘助齊

齊助之伐宋民勞而實費破宋殘楚淮北

楚之淮北宋隣也宋破則此地殘補曰此已申淮北明矣下文又曰必反宋地而歸楚之淮北

肥大齊

肥亦大也

讎強而國弱也此三者皆國之大敗也而足下行

之將欲以除害取信於齊也

宋者齊之害

而齊未加信於足

下而忌燕也愈甚矣然則足下之事齊也失所為矣夫

民勞而實費又無尺寸之功破宋肥讎而世負其禍矣

負猶荷

足下以宋加淮北強萬乘之國也

宋五千乘國也又加之淮北則

萬乘而強

而齊并之是益一齊也北夷

齊之北國正曰索隱云北夷謂山北狄附

齊者正義云齊桓公伐山戎

方數百里加以魯衛

言齊因舉宋且并此數國此

所謂強萬乘之國也而齊并之是益二齊也夫一齊之強而燕猶不能支也今乃以三齊臨燕其禍必大矣雖然臣聞智者之舉事也轉禍而為福因敗而成功者也齊人紫敗素也

敗猶惡也素白繒染為紫

而賈十倍越王勾踐棲於

會稽而後殘吳霸天下此皆轉禍而為福因敗而為功者也今王若欲轉禍而為福因敗而為功乎則莫如遙霸齊而厚尊之使之盟於周室

背秦而從使齊主盟補曰一本使使明於盡

焚天下之秦符約曰夫上計破秦其次長賓客秦秦挾

賓客以待破

挾如挾長之挾秦挾賓客本欲并天下而反見破故必患正曰姚本長實之秦史長

實之秦挾實以待破史文為是按魏策有此文法實即擯二客字因實字誤衍

秦王

昭

必患之

秦五世以結諸侯今為齊下秦王之志苟得窮齊不憚

以一國都為功

將割以賂與國

然而王何不使布衣之人以窮

齊之說說秦謂秦王曰燕趙破宋肥齊尊齊而為之下

者燕趙非利之也弗利而勢為之者何也以不信秦王

也今王何不使可以信者接收燕趙令涇陽君若高陵

君

二君秦所重  
天下信之

先於燕趙秦有變

謂背  
二國

因以為質則燕

趙信秦矣秦為西帝趙為中帝燕為北帝立為三帝而  
令諸侯韓魏不聽則秦伐之齊不聽則燕趙伐之天下  
孰敢不聽天下服聽因驅韓魏以攻齊曰必反宋地而  
歸楚之淮北夫反宋地而歸楚之淮北燕趙之所同利  
也並立三帝燕趙之所同願也夫實得所利名得所願  
則燕趙之棄齊也猶釋敝躡革履也當作躡正曰躡所  
綺反說文舞履也徐云謂  
足根不正納履也引漢志  
邯鄲女跣躡字與躡屣通今王之不收燕趙則齊霸必

成矣諸侯戴齊而王獨弗從也是國危也

秦受齊伐

諸侯戴

齊而王從之是名卑也王不收燕趙名卑而國危王收

燕趙名尊而國寧夫去尊寧而就卑危智者不為也秦

王聞若說也必如刺心

言其切已正曰心痛如刺

然

補曰然字句可

則王何

不務使智士以若此言說秦伐齊必矣夫取秦上交也

伐齊正利也尊上交務正利聖王之事也燕昭王善其

書曰先人嘗有德蘇氏

資秦合從

子之之亂而蘇氏去燕燕

欲報讎仇於齊非蘇氏莫可乃召蘇氏

王曾策言魏出之宋宋善待



之今在宋也正曰按此策文蓋齊已滅宋取楚淮北之後勸之尊齊擯秦而說秦以伐齊非將伐宋時事也策云蘇代過魏魏為燕執之齊使人說魏出代代之宋宋善待之史遂以此策首語接其下且史紀代事前後固多誤如舉五千乘云云以為說子噲之類代為燕間齊勸之伐宋見於策者可考矣是宋未滅時代已至燕豈至此時尚留宋而為之說燕哉復善待之與謀伐齊竟此策不能無舛而史尤失之也

破齊閔王出走

代傳有

蘇代謂燕昭王曰今有人於此孝如曾參孝已信如尾生高廉如鮑焦史鰌

衛鄉子魚

兼此三行以事王奚如王曰

如是足矣對曰足下以為足則臣不事足下矣臣且處

無為之事歸耕乎周之上地耕而食之織而衣之王曰  
何故也對曰孝如曾參孝已則不過養其親耳信如尾  
生高則不過不欺人耳廉如鮑焦史鰌則不過不竊人  
之財耳今臣為進取者也臣以為廉不與身俱達

不苟取故

多窮義不與生俱立仁義者自完之道也非進取之術也

王曰自憂不足乎

憂亦完也不完則憂故曰完又曰憂

對曰以自憂為足

則秦不出殽函齊不出營丘楚不出疏章

地缺

三王代位

五伯改政皆以不自憂故也若自憂而足則臣亦周之

負籠耳

籠竹器

何為煩大王之廷邪

煩挽也

昔者楚取章武

屬渤海

諸侯北面而朝秦取西山諸侯西面而朝曩者使

燕毋去周室之上

去猶失也上上地燕蓋嘗攻得而不取也正曰此句未詳恐註非

則

諸侯不為別駕而朝矣

言同軌而朝燕與朝秦楚同

臣聞之善為事

者先量其國之大小而揆其兵之強弱

揆度也

故功可成

而名可立也不能為事者不先量其國之大小不揆其

兵之強弱故功不可成而名不可立也今王有東嚮伐

齊之心而愚臣知之王曰子何以知之對曰矜戟砥劍

矜予柄戰蓋為矜施戰砥柔石所以礪也

登丘東嚮而歎是以愚臣知之今

夫烏獲舉千鈞之重行年八十而求扶持故齊雖強國也西勞於宋南罷於楚則齊軍可敗而河間可取燕王

曰善吾請拜子為上卿奉子車百乘子以此為寡人東

游於齊

為燕說齊

何如對曰足下以愛之故與

補曰與平聲姚本下復有

則字何不與愛子與諸舅叔父負床之孫

負言背倚床立未能行也不

得

此屬皆不得與車

而乃以與無能之臣何也王之論臣何

如人哉今臣之所以事足下者忠信也恐以忠信之故

見罪於左右王曰安有為人臣盡其力竭其能而得罪者乎對曰臣請為王譬昔周之上地嘗有之其丈夫宦三年不歸其妻愛人其所愛者曰子之丈夫來則且奈何乎其妻曰勿憂也吾已為藥酒而待其來矣已而其丈夫果來於是因令其妾酌藥酒而進之其妾知之半道而立慮曰吾以此飲吾主父則殺吾主父以此事告吾主父則逐吾主母與殺吾主

補補曰此宜有主事

父逐吾主母

者寧佯躓而覆之

躓踣也

於是且佯僵而仆之其妻曰為

子之遠行來之故為美酒今妾奉而仆之其丈夫不知  
縛其妾而笞之故妾所以笞者忠信也今臣為足下使  
於齊恐忠信不諭於左右也臣聞之曰萬乘之主不制  
於人臣十乘之家不制於衆人匹夫徒步之士不制於  
妻妾而又況於當時之賢主乎臣請行矣願足下之無  
制於羣臣也

補曰此策說  
見前蘇秦章

燕王謂蘇代曰寡人甚不喜訑者言也

沈州謂欺曰訑  
補曰訑徒案反

或作  
誕

蘇代對曰周地賤媒為其兩譽也之男家曰女美

之女家曰男美然而周之俗不自為取妻且夫處女無

媒老且不嫁舍媒而自銜敝而不售

敝猶敗無成事也

順而無

敗售而不敝者唯媒而已矣且事非權不立非勢不成

夫使人坐受成事者唯訑者耳王曰善矣

處謂訑亦吾所惡而實不

可廢古者使功使過使智使愚蓋用人可也處已則否  
正曰利誕謾之人以為用此不正之論也使過之說不  
類使愚使貪使勇亦謂御得其道耳非此之謂也

蘇代謂

元作為

為奉陽君

此亦其後襲稱正曰說見趙策

說燕於趙以伐

齊奉陽君不聽乃入齊

代

惡趙令齊絕於趙齊已絕於

趙因之燕謂昭王曰韓為謂臣曰人告奉陽君曰使齊

不信趙者蘇子也令齊王閔召蜀子齊將正使不伐宋

者補蘇子也令齊王謀遁取秦以謀趙者遁逃去也言

與之合正曰按此策下文所云臣以為不若逃而去之以韓魏循自齊而為之取秦深結趙以勸之蘇子

也令齊守趙之質子以甲者又蘇子也請告子以請齊

告子名不害代請之使為已請齊正曰無據史引韓為謂代舉或人告奉陽君之言請者或人之請為趙言於

齊果以守趙之質子以甲果者必欲吾必守子以甲言

子不聽則然正曰謂告子齊果守其言惡矣雖然王勿

趙質子以甲則吾將守子以甲



患也

人所告奉陽之言於代為惡燕王善代必患之故代告王以無患為其亂齊趙所以利燕

臣故

知入齊之有趙累也

言趙惡代

出為之以成所欲

出者奮不顧也言知

其有累而奮為之欲謂利燕

臣死而齊大惡於趙臣猶生也今齊趙

絕可大紛已

紛亂也

持臣非張孟談也

持猶使補曰持字疑特

使臣

也如張孟談也齊趙必有為智伯者矣奉陽君告朱謹

與趙足曰

代稱奉陽之言然二皆趙人

齊王使公玉曰

齊人姓名正曰一本公玉

按字書三畫中近上者于方反三畫勾者虞欲反隸始加點以別字新序有公玉丹史公玉帶則公玉姓也此

疑有

命說

奉陽名正曰說即兌之訛說見趙策

曰必不反韓珉今召之矣

言故反前  
下類此

必不任蘇子以事今封而相之必

元作令

令不

合燕今以燕為上交吾所恃者順也

公玉父名正曰無考鮑因下言有甚

於其父遂云爾按趙策齊欲攻宋章以三晉劫秦使順也甘之恐即此人

今其言變有甚於

其父順始與蘇子為讎見之如

元作知

知無厲

補曰無害也

今

賢之兩之

兩謂封與相正曰賢之謂以代為賢兩之謂與之並處

已矣吾無齊矣

並述奉陽之言

奉陽君之怒甚矣

此代自言

如齊王

衍王字

王

補曰衍字

之

不信趙而小人奉陽君也

待之為小人

因是而倍之

音背言燕宜然

正曰言齊因是倍趙

不以今時大紛之解而復合則後不可奈何

也故齊趙之合苟可循也

循言順燕

死不足以為臣患

代本以二

國之合必不順燕今乃合而順之故有死逃之罪正曰言二國之合必害於燕苟順而無害國之利也故已之

死逃榮辱皆不足論

逃不足以為臣恥為諸侯不足以為臣榮被

髮自漆為厲不足以為臣辱

補曰厲史音賴見秦策死不足以為臣患及堯舜之

賢而死兩節與秦策范雎說同

然而臣有患也臣死而齊趙不循惡交

分於臣也

燕以二國可因而代不欲則三國皆惡代矣然二國卒不可因則代之惡皆有所分交猶

皆而後相効

交後人見其不可因而効已

是臣之患也

患其後時

若臣死

而必相攻也

齊趙相攻

臣必勉之而求死焉堯舜之賢而死

禹湯之智而死孟賁之勇而死烏獲之力而死生之物

固有不死者乎在必然之理

死者人之必然

以成所欲王何疑

焉臣以

補曰一本此有為字

不若逃而去之

許以罪逃去

臣以韓魏循

自齊

言逃燕則自韓魏順行至齊

而為之取秦

言勁齊以怒趙

深結趙以勤之

此勁趙以怒齊也結亦以韓魏趙自燕結之勤猶厚

如是則近於相攻也臣雖為

之不

補累燕

正曰臣雖為之累燕下文引奉陽君之言而釋之曰臣雖為之不累燕

奉陽

君告朱謹曰

亦代

蘇子怒於燕王之不以吾故

以用也吾指奉

陽弗子相

子謂謹正曰子謂代

又不子卿也

補曰一本不子相又曰子卿也子亦為蘇

子自殆無燕矣其疑至於此燕王善代而奉陽謂其怒燕者疑也故臣雖

為之不累燕

疑代怒燕故代雖為燕紛二國二國不怨燕也

又不欲王

欲猶須也言其

自相攻不須燕

伊尹再逃桀而之湯

補曰一本此句上有再逃湯而之桀六字姚本同

果與鳴條之戰而以湯為天子伍子胥逃楚而之吳果

與柏

元作伯

正曰古字通古今人如柏虎柏益伯樂之類

舉之戰而報其父

之讎今臣逃而紛齊趙始可著於春秋且舉大事孰不

逃桓公之難管仲逃於魯陽虎之難孔子逃於衛

定八年陽

虎作難十四年孔子乃適衛不如此所云

張儀逃於楚

傳不書正曰即儀至楚之事

白圭

逃於秦

未詳

望諸相中山也

此與樂毅同號

使趙趙却之求地望

諸攻闕而出外孫之難

未詳

薛公釋載

不乘車也

逃出於闕

齊

二十五年田文入秦秦因欲殺之因秦幸姬得出馳去變姓名出闕

三晉稱以為好

補補曰士

上恐有缺字

士

太史公曰好客自喜

故舉大事逃不足以為辱矣卒絕

齊於趙趙合於燕以攻齊敗之

補曰此策文多未詳註多未安

燕昭王且與天下伐齊而有齊人仕於燕者昭王名而

謂之曰寡人且與天下伐齊旦暮出令矣子必爭之爭

之而不聽子因去而之齊寡人有時復合

預言不勝與齊合補曰一

本復合和也

且以因子而事齊當此之時也燕齊不兩立然

而常獨欲有復收之之志若此也

收猶合不兩立則不可復合而不能無合

之之志彪謂此少年狡獪之行小人患失之類而燕聊為之此其所以不王也補曰當此以下紀述者之辭

齊魏爭燕齊謂燕王曰吾得趙矣魏亦謂燕王曰吾得

趙矣燕無以決之而未有適

補曰音的

予也蘇代謂燕相曰

臣聞辭卑而幣重者失天下者也辭倨而幣薄者得天

下者也今魏之辭倨而幣薄燕因合於魏魏

補補曰姚本有此字

得燕

元作趙

趙

正曰合於

魏曰得趙燕因

齊遂北矣

魏昭十二年與秦趙

韓燕伐齊敗之燕獨

卷九

入臨淄此二十八年

蘇代自齊使人謂燕昭王曰臣聞

元作聞間猶頃也

聞

補曰當作間正

曰間去聲致隙曰間間隔也

離齊趙齊趙已孤矣王何不出兵以攻

齊臣請為王弱之燕乃伐齊攻晉

疑兵也實合魏而陽攻以疑齊正曰晉地

名下文云晉下可見

令人

代令

謂閔王曰燕之攻齊也欲以復振

故地也

振舉也蓋欲復王曾所失

燕兵在晉而不進則是兵弱而計

疑也王何不令蘇子將而應燕乎夫以蘇子之賢將而

應弱燕燕破必矣燕破則趙不敢不聽是王破燕而服



趙也閔王曰善乃謂蘇子曰燕兵在晉今寡人發兵應

之願子為寡人為之將對曰臣之於兵何足以當之王

其改舉

別用他將

王使臣也是敗王之兵而以臣遺燕也戰

不勝不可振也

振救也

王曰行寡人知子矣蘇子遂將而

與燕人戰於晉下

晉之下地

齊軍敗燕得甲首二萬人蘇子

以其餘兵以守陽城而報於閔王曰王過舉令臣應燕

今軍敗亡二萬人臣有斧質之罪請自歸於吏以戮閔

王曰此寡人之過也子無以為罪明日又使燕攻陽城

及狸

燕地也趙悼襄元年攻燕取狸陽城正曰據此策則燕取之於齊者也大事記引正義云燕無狸陽

疑字誤當作漁陽按此文兩云陽城及狸則正義說亦未可據

又使人謂閔王曰日者

齊不勝於晉下此非兵之過齊不幸而燕有天幸也今

燕又攻陽城及狸是以天幸自為功也王復使蘇子應

之蘇子先敗王之兵其後必務以勝報王矣王曰善乃

復使蘇子蘇子固辭王不聽遂將與燕戰於陽城燕人

大勝斬首三萬齊君臣不親百姓離心燕因使樂毅大

起兵伐齊破之

彪謂蘇代之於燕齊皆嘗隙而復善之情禮均也而獨為燕圖齊之深何哉昭

王賢也雖然糜爛人之民人以行其說而奉其所賢仁者不為也獨不念嘗委質於齊乎補曰蘇代傾詐不義一至於此其罪浮於張儀矣

蘇代自齊獻書於燕王曰臣之行也固知將有口事言人

譖之故獻御書而行獻侍御者以書曰臣貴於齊燕大夫將不信

臣臣賤將輕臣臣用將多望於臣望猶責齊有不善謂惡燕

將歸罪於臣天下不攻齊將曰善為齊謀天下攻齊將

與齊兼質元作鄒補曰鄒當作質互臣質猶賣臣之所重

處重留元作鄒正曰一本鄒作卯姚同據此則重當平聲重卯猶言累卯謂已處危也上文恐

多重也重猶難也留謂處於齊為難

王謂臣曰吾必不聽衆口與讒

言吾信汝也猶列眉也

言無可疑補曰列眉未詳一本猶列列者也姚同龍龕手鑑列

古列字愚謂即列字也列列者斬斷果決之意

上可以得用於齊次可以得信

於下苟無死女無不為也以女自信可也

以猶

與之言

曰王與

去燕之齊可也期也

元作其

其

補曰當作期字通借

於成事而

已臣受令以任齊

得任於齊正曰以齊為任

及五年齊數出兵未嘗

謀燕齊趙之交一合一離燕

行王

王

正曰一本不與齊謀趙則與趙謀齊

疑王即不字之訛

與齊謀趙則與趙謀齊

燕與齊謀趙實欲離齊於趙代因與趙謀

齊以成燕之謀正曰見上齊之信燕也至於虛北地虛言不設備行

其兵

以北兵伐他國

今王信田伐與參去疾之言

二人讒

且攻

齊使齊犬馬而不言燕

且辭也犬馬言已賤齊如之又

姚同字書無駢字恐即賤

今王又使慶

燕臣名

令臣曰吾欲用所善王

苟欲用所善王欲用之

補曰姚本王苟欲用之無中問五字文義為勝

則臣請

為王事之王欲驛臣

驛釋同見鄒忌說琴補曰魏世家如耳云以秦驛衛張儀傳驛之索

隱云古

專

元作

刺

補曰專字訛

任所善則臣請歸驛事臣苟

得見則盈願

彰謂為人問者均有此六患非燕昭之明代其危哉功成矣猶不能無此患况他人

乎代之謀齊亦異乎豫讓之於趙矣彼哉彼哉補曰此策蓋代在齊而或有疑之於王者故代以書自白文多未詳燕昭即位志復齊讎非一日矣樂毅以趙亂適衛至燕在十七年之後又十年始合五國以破齊方其患齊之強志未逞也蘇代之徒為之間齊離趙之交激秦之怒勸之以伐宋驕其兵而罷其師齊卒以亡代有力焉而世不數何也蓋毅之為燕約結信義服人卒用此以勝何假乎代之為哉代之傾詐反覆效用於燕亦昭王之賢明有以御之非倚以成功也

秦召燕王燕王欲往蘇代約燕王

約猶止

曰楚得枳

屬巴郡

而國亡

皆謂失地秦昭此七年九年連拔楚郡

齊得宋而國亡

即此二十年入臨

淄三十二年下七十城

齊楚不得以有枳宋事秦者何也是則有

功者秦之深讎也

言此以見克齊者秦之所惡也

秦取天下非行義也

暴也秦之行暴正告天下告楚曰

補曰姚本秦之行暴於天下正告楚曰

蜀地之甲輕舟浮於汶

汶江水出岷山補曰汶眉貧反即岷

乘夏水

江夏注沔

水自江別至南郡華容為夏水正曰索隱云夏音暇謂夏潦之水盛漲時也下文乘夏水兩出可見矣

西

下江五日而至郢漢中之甲輕舟出於巴乘夏水下漢

補曰一本

而下姚同四日而至五渚

史註在洞庭正曰今詳本文下漢而至五渚則五渚乃漢

水下流洞庭在江之南非其地也

寡人積甲宛東下隨

屬南陽

智者不及

謀勇者不及怒寡人如射雉矣

雉祝鳩喻易也正曰射雉見易解卦正義云雉

今之鵲也

王乃待天下之攻函谷不亦遠乎楚王為是之故

十七年事秦秦正告韓曰我起乎少曲

韓地范雎傳伐韓少曲補曰本

文少曲高平正義云相近高平在懷州河陽縣西北

一日而斷太行

補曰正義云太行山羊腸

坂道北過韓上黨也

我起乎宜陽而觸平陽

補曰宜陽見前平陽即近武遂韓墳墓所

在二日而莫不盡繇我

繇由同正曰索隱云繇音搖搖動也我屬下句

離兩周

而觸鄭五日而國舉韓氏以為然故事秦秦正告魏曰

我舉安邑塞女戟韓氏太原卷

不通此四處正曰安邑女戟見前太原在河東

時屬趙卷見魏策正義云卷猶斷絕軌免反太原當為太行蓋曰秦舉魏之安邑塞魏之女戟則韓氏太行斷



絕也按趙策秦舉安邑而塞女戟元作枳補曰姚韓氏太原絕正義以卷為絕據此下枳本我下

按枳道即河內地軹枳字通道道南陽封冀道道所由也後志河東皮氏有冀亭註引此正

曰南陽即修武封封陵杜預云在蒲州兼包兩周乘夏水浮輕舟强弩在

前銛戟在後決滎口滎澤之口補曰索隱云滎澤口與今汴河口通其水深可以灌大梁

公子無忌亦云然大事記灌大梁之策戰國以來人皆知之秦卒用此策魏無大梁決白馬

之口魏無濟陽決宿胥之口徐註紀年曰教魏無虛頓山塞集胥口

丘補曰大事記云水經註河水舊在白馬縣南決通齊陽黃溝白馬本衛之曹邑今滑州縣史作外黃濟陽

大事記作黃齊陽說又見秦策宿胥虛頓丘並見秦魏策陸攻則擊河內水攻則滅

大梁魏以為然故事秦秦欲攻安邑恐齊據之則以宋

委於齊曰宋王無道為木人以象

補曰一本作寫蓋古象字作鳥詘也

寡

人射其面寡人地絕兵遠不能攻也王苟能破宋有之

寡人如自得之已得安邑塞女戟因以破宋為齊罪秦

欲攻韓

元作齊

齊恐天下救之則以齊委於天下曰齊人

補曰一本入作王姚同

四與寡人約四欺寡人必率天下以攻寡

人者也

必言攻之決

有齊無秦無齊有秦必伐之必亡之已

得宜陽少曲致蘭離

補石

補曰蘭離石見前據文恐有離字姚註石字三本同作君

詳此  
當缺

因以破齊為天下罪秦欲攻魏重楚

恐楚擊  
其後

則以

南陽委於楚

補曰鄧  
之南陽

曰寡人固與韓且絕矣殘均陵

地缺

正曰正義云均州故城  
在隨州西南蓋均陵也

塞黽隘

補曰見  
楚策

苟利於楚寡人

如自有之魏棄與國而合於秦因以塞黽隘為楚罪兵

困於林中

補曰見  
魏策

重燕趙以膠東委於燕

膠東國故齊  
國項紀註即

墨也濟西委於趙已得講於魏質

元作  
至

補曰索隱  
云當作質公

子延

秦子正  
曰魏子

因犀首攻趙

補曰一本首下有屬行而三  
字史姚同索隱曰謂連兵相

屬也行  
胡即反

兵傷於離石遇敗於馬陵而重魏則以葉蔡委

於魏

補曰馬陵葉蔡並見前史離石作譙石馬陵作陽馬索隱云並趙地名

已得講於趙

則却魏魏不為割因則使太后穰侯為和嬴則兼敗舅

與母

嬴謂勝舅謂穰侯

適燕者曰以膠東

適適同補曰適即上所謂因以為罪者

適趙者曰以濟西適魏者曰以葉蔡適楚者曰以塞郾

阬適齊者曰以宋必令其言如循環

補曰言其無窮不可致詰也

用

兵如刺蜚

集韻蟲名喻易也補曰蜚匪微反又上去二音一本刺繡姚註云錢本添入蜚字

毋

不能知

補曰一本知作制姚同

舅不能約龍賈之戰

魏襄五年秦拔我龍賈軍

補曰此據世家年表在二年大事記從年表云魏惠王後二年

崖門之戰封陵之戰

魏哀

十六年秦敗我封陵恐岸亭在潁韓註記岸門封陵亭名然則封陵亦屬潁川正曰哀當作襄封陵見封冀註

補曰岸門之戰報王元年當韓宣惠王十九年高商之戰史不趙莊之戰趙肅侯十

三年趙莊與秦之所殺三晉之民數百萬今其生者皆

死秦之孤也補曰死於秦者之孤西河之外上雒之地三川晉國

之禍三晉之半言上三地被禍居晉國之半正曰西河上雒魏地三川韓地言秦已得三晉之

半秦禍如此其大而燕趙之秦者補曰之下皆以爭事

秦說其主此臣之所大患燕昭王不行蘇代復重於燕

燕反約從親如蘇秦時或從或否而天下由此宗蘇氏

之從約代厲皆以壽死名顯諸侯

代傳有在伐齊事後彪謂秦之所以正告

諸侯及其用詐皆愚弄之也而諸侯莫省獨一燕昭知之然亦不久死矣彪故曰秦橫之成天幸也補曰文甚快明

燕饑趙將伐之楚使將軍之燕過魏見趙恢趙恢曰使

除患無至

除之使不至

易於救患伍子胥宮之奇不用

此除患者

燭之武

僖三十年晉秦圍鄭佚之狐言於鄭伯曰國危矣若使燭之武見秦君師必退之武見秦伯曰

鄭知亡矣而有益於君敢以煩執事越國以鄙遠君知其難也焉用亡鄭以倍鄰鄰之厚君之孤也秦伯說乃

還

張益談

皆救患者

受大賞是故謀者皆從事於除患之遺

者

謂救患者補曰一本遺作道下無者字姚同義是

而無

元作先

先

補曰上疑有缺文

使

除患無至者今與

補曰一本作予姚同

以百金送公也

公謂楚使

不如

以言公聽吾言而說趙王

文惠

曰昔者吳伐齊為其饑也

伐齊未必勝也而弱越乘其敝以霸今王之伐燕也亦

為其饑也伐之未必勝而強秦將以兵乘

元作承

正曰此書

乘承通後昌

國君章有王之西是使弱趙居強吳之處而使強秦

處弱越之所以霸也願王之熟計之也使者乃以說趙

王趙王大說乃止燕昭王聞之乃封之以地

封恢也恢蓋趙之仕

魏而為燕者為燕亦所以為魏也正曰無據

趙且伐燕蘇代為燕謂惠王

趙惠文

曰昨者臣來過易水

蚌方出曝

蚌也

麋而鷸啄其肉

鷸知天將雨鳥

蚌命而箝其喙

箝籊

也

鷸曰今日不雨明日不雨即有死蚌蚌亦謂鷸曰今

日不出明日不出即有死鷸兩者不肯相舍漁者得而

并擒之

補曰姚註諺語諺詩皆叶後語必見死蚌脯即多一字藝文類聚引云蚌將為脯即見蚌脯此

則叶韻然不聞蚌鷸得雨則解也陸農師讀兩作兩兩謂開口恐別有據愚按韻補蚌叶彼五反鷸知將兩兩

即解去爾一本箝作相

字通鷸音聿亦有衍音

今趙且伐燕燕趙久相攻以



敝大衆臣恐强秦之為漁父也願王熟計之也惠王曰

善乃止

正曰燕惠武城皆與趙惠王相及此策時不可考

惠王

昭王子元年赧王三十七年癸未

昌國君樂毅為燕昭王合五國之兵

傳云并合趙楚韓魏燕之兵補曰正

義云故昌城在淄州淄川縣東北

而攻齊下七十餘城盡郡縣之以屬

燕三城未下

聊莒即墨補曰毅傳唯莒即墨未下燕世家云聊莒即墨未下蓋因燕將守聊城不

下之事而誤說見齊策

而燕昭王死惠王即位用齊人反間疑樂

毅而使騎劫代之將樂毅奔趙趙封以為望諸君

補曰史趙

封毅為觀津號望諸君索隱云望諸澤名在齊蓋趙有之故號焉

齊田單詐騎劫卒敗

燕軍復收七十餘城以復齊燕王悔懼趙用樂毅乘

元作

承

承

正曰說見上

燕之敝以伐燕燕王乃使人讓樂毅且謝

之曰先王舉國而委將軍將軍為燕破齊報先王之讎

天下莫不振動寡人豈敢一日而亡將軍之功哉會先

王棄羣臣寡人新即位左右誤寡人寡人之使騎劫代

將軍為將軍久暴露於外

暴露同

故召將軍且休計事將

軍過聽以與寡人有隙

元即郗隙不合也

郗遂捐燕而歸趙將

軍自為計則可矣而亦何以報先王之所以遇將軍之

意乎

補曰自先王舉國止此一節恐當在後章燕王書寡人不佞云云之上餘說見彼章

望諸君

乃使人獻書報燕王曰臣不佞不能奉承先王之教以

順左右之心恐抵斧質之罪以傷先王之明而又害於

足下之義

無罪而殺殺非義也

故遁逃奔趙自負以不肖之罪

負言

荷罪在身

故不敢為辭說今王使使者數之罪臣恐侍御者

之不察先王之所以畜幸臣之理

畜養也幸親愛之

而又不白

於臣之所以事先王之心

白猶明

故敢以書對臣聞賢聖

之君不以祿私其親功多者授之不以官隨其愛能當者處之故察能而授官者成功之君也論行而結交者立名之士也臣以所學者觀之先王之舉錯有高世之

心故假節於魏王

時諸侯不通出關則以節假之故上言毅自魏往見王正曰毅傳毅為魏

昭王使燕燕王以客禮待之毅辭讓遂委質為臣正義云假魏節使燕

而以身得察於燕

補曰毅傳趙人因沙丘之亂適魏至燕故大事記附見於燕昭王十七年

先王過舉擢之于

賓客之中而立之于羣臣之上不謀於父兄而使臣為

亞卿

亞次也

臣自以為奉令承教可以幸無罪矣故受命

而不辭先王命之曰我有積怨深怒於齊不量輕弱而

欲以齊為事臣對曰夫齊霸國之餘教而驟勝之遺事

也聞於兵甲習於戰攻王若欲攻之則必舉天下而圖

之莫徑

元作勁補曰一本作徑

於結趙矣且又淮北宋地楚魏之

所同願也

楚欲得淮北魏欲得宋時皆屬齊

趙若許

許燕

約楚趙宋盡力

宋雖已舉其遺民怨之補曰一本約楚魏宋盡力姚同史云趙若許而約四國攻之其文為明

四國攻

之齊可大破也先王曰善臣乃口受令具符節南使臣

於趙顧反命

回顧而反言其速

起兵隨而攻齊以天之道先王

之靈河北之地隨先王舉而有之於濟上濟上之軍奉

令擊齊大勝之輕卒銳兵長驅至國齊王

閔

逃遁走莒

僅以身免珠玉財寶車甲珍器盡收入燕

補曰此數語殺罪狀也

大呂陳於元英

大呂律均元英燕樂名正曰索隱云大呂齊鍾名元英燕宮殿名

故鼎

反乎厯室

故鼎齊所得燕鼎凡鼎以占休咎故歸之律厯之室正曰厯史作磨周禮遂師抱磨音厯

又史表磨侯漢表作厯古字通用說見秦策正義引括地志云元英厯室燕二宮名在幽州薊縣西四里寧臺

之下高誘云燕噲亂齊伐燕殺噲得鼎今反歸古鼎今註本無

齊器設於寧臺

燕臺

薊丘

之植

薊幽州國植旗幟之屬

植於汶篁

汶水出泰山萊蕪原竹田曰篁言燕以齊為塞正曰

索隱云薊丘燕所都言燕薊丘之所植植齊王汶上之竹徐註謂燕之疆界移於齊之汶水非此之謂此言燕薊丘之所植移植於汶上之竹田索隱云亦然按助集古今文以殺書為首有策問云夷門之植植為燕其說用殺語也愚謂左氏以太宮之椽歸為盧門之椽句法正同補曰一本汶皇自五伯以來功

未有及先王者也先王以為順于其志

補曰一本以為順于志

以

臣為不頓命

頓猶墜

故裂地而封之

補曰謂封昌國君也

使之得比

乎小國諸侯臣不佞自以為奉令承教可以幸無罪矣

故受命而弗辭臣聞賢明之君功立而不廢故著於春

秋蚤知之士

蚤知先見也

名成而不毀故稱於後世若先王

之報怨雪恥夷萬乘之強國收八百歲之蓄積

通太公數之

及至棄羣臣之日遺令詔後嗣之餘義執政任事之臣

所以能循法令順庶孽者

新立之君皆患庶孽之亂昭王能預順之

施及萌

隸

萌氓同

皆可以教於後世臣聞善作者不必善成善始

者不必善終昔者伍子胥說聽乎闔閭故吳王遠迹至

於郢夫差弗是也

不然子胥之說

賜之鵠夷而浮之江

鵠夷槥名馬革

為其形以斂骸骨正曰史乃取子胥尸盛以鵠夷革應劭云取馬革為鵠夷槥形

故吳王夫差

不悟先論之可以立功故沉子胥而弗悔子胥不蚤見



主之不同量故入江而不改

補曰史不化索隱云言子胥怨恨故雖投江而神不

化猶為波濤之神也

夫免身全功以明先王之迹者臣之上計也

離毀辱之非

離麗也猶遭正曰離罹通遭也

墮先王之名者臣之所大

恐也臨不測之罪以幸為利者義之所不敢出也臣聞

古之君子交絕不出惡聲

補曰正義曰不說已長而談彼短

忠臣之去

國不潔其名

毀其名而自潔

臣雖不佞乎

補曰一本無乎字蓋衍

數奉教

於君子矣恐侍御者之親左右之說而不察疏遠之行

也故敢以書報惟君之留意焉

傳有補曰大事記延平陳氏曰樂教之下齊也

止侵畧寬賦歛除暴令修舊政求逸民顯而禮之祀桓  
公管仲於郊表賢者之閭封王蠋之墓凡可以悅其民  
者無不為之此孟子所以教齊者齊王不能用之於燕  
而樂毅能用之於齊呂子讀書記曰樂毅伐齊云云  
曰若不遂乘之待彼悔前之非改過恤下而撫其民則  
難慮也推此言則世之論毅者豈其然乎朱子曰樂  
毅亦戰國之士何嘗是王者之師又曰毅初合秦魏之  
師又因人怨湣王之暴故一舉下齊七十餘城湣王死  
人心之怒已解恐三國分功故急遣之以燕之力亦止  
於此况田單忠義死節堅守二城自不可攻非不欲取  
蓋力不能爾毅在當時亦志意虜掠正孟子所謂毀其  
宗廟遷其重器者爾愚謂樂毅之伐齊取寶器燒宮  
室見於田齊燕世家毅傳國策皆然徵以毅之自言蓋  
誣矣陳氏首以止侵掠為美似未察其實也齊以燕伐  
燕燕以齊伐齊孟子所以教齊王者毅實違之是尚為  
能用之乎雖有寬賦除暴反政禮賢數端不足以揜其

罪也故愚著朱子說併記呂子他日之論以見其不滿於毅如此而取陳氏者特一時之見未為定論也

張丑為質於燕

正曰丑見齊韓魏中山等策與楚威王田嬰公仲張儀相涉恐非惠王之世

燕王欲殺之走且出境境吏得丑丑曰燕王所為將殺我者人有言我有寶珠也王欲得之今我已亡之矣而燕王不我信今子且致我我且言子之奪我珠而吞之燕王必當殺子剗子腹

剗判也補曰姚本作反

子之腸矣夫欲

得之君不可說以利吾要且死子腸亦且寸絕境吏恐

而放之

補曰韓非子記子胥語楚邊候同此

王喜

惠王曾孫元年薨  
王五十年丁未

燕王喜使栗腹以百金為趙孝成王壽酒三日反報曰

趙民其壯者皆死於長平其孤未壯可伐也王乃召昌

國君樂閒

毅子補曰史毅奔趙後燕王復以其  
子樂閒為昌國君素隱云閒紀閒反

而問曰

何如對曰趙四達之國也其民皆習於兵不可與戰王

曰吾以倍攻之可乎曰不可曰以三可乎曰不可王大

怒左右皆以為趙可伐遽起六十萬以攻趙令栗腹以

四十萬攻鄢使慶秦

補曰史作卿秦一  
本標後語作慶秦

以二十萬攻代

趙使廉頗以八萬遇栗腹於鄣使樂乘

殺之族

以五萬遇

慶秦於代燕人大敗樂聞入趙

燕記元年有正曰史在王喜四年餘說見下

燕王以書且謝焉曰寡人不佞不能奉順君意故君捐

國而去則寡人之不肖明矣敢端其願

端猶專也願欲復用之

而

君不肯聽故使使者陳愚意君試論之語曰仁不輕絕

智不輕怨君之於先王也世之所明知也寡人望有非

則君掩蓋之

有非而掩蓋之王喜所自謙

不虞君之明罪之也

虞猶圖

望有過則君教誨之不虞君之明棄之也且寡人之罪

國人莫不知天下莫不聞君微出明怨

言間雖無出之  
趙以明有怨於

我人亦  
知之

以棄寡人寡人必有罪矣雖然恐君之未盡厚

也諺曰厚者不毀人以自益也仁者不危人以要名

補曰

此當有也字  
姚本作以訛

故掩人之邪者厚人之行也救人之過者

仁者之道也世有掩寡人之邪救寡人之過非君孰

元作

恐

恐

補曰字有誤一  
本心所姚同

望之今君厚受任於先王以成尊

輕棄寡人以快心則掩邪救過難得於君矣且世有薄

而故厚施

世雖薄我我  
反厚施之

行有失而故惠用

行與我不合  
反惠愛任用

之正曰有過失  
當棄反順用之

今使寡人任不肖之罪

任猶負

而君有失

厚之累請為君擇之也

擇其所處

無所取之國之有封疆

補曰

一本此有  
猶字姚同

家之有垣牆所以合好掩惡也

補曰惡  
如字

室不

能相和出語鄰家未為通計也怨惡未見而明棄之未

為盡厚也寡人雖不肖乎未如殷紂之亂也君雖不得

意乎未如商容箕子之累也然則不內蓋寡人

蓋一作盡而

明怨於外恐其適足以傷於高而薄於行也非然也苟

可以明君之義成君之高雖任惡名

所謂任不肖之罪

不難受

也本欲以為明寡人之薄而君不得厚揚寡人之辱而君不得榮此一舉而兩失也義者不虧人以自益況傷人以自損乎君無以寡人不肖累往事之美昔者柳下惠吏於魯三黜而不去或謂之曰可以去柳下惠曰苟與人之異惡往而不黜乎猶且黜乎寧於故國爾

補曰此論

語所記便不及

柳下惠不以三黜自累故前業不忘不以去為

心故遠近無議今寡人之罪國人未知而議寡人者徧

天下語曰論不修心

凡有修者先必有失而善論者不然補曰修字必有誤

議不



累物仁不輕絕智不簡功

簡與附反  
猶棄也

簡棄大功者輟也

輟止也

輕絕厚利者怨也輟而棄之怨而累之宜在遠者

疎遠之臣可爾

不望之于君也今以寡人無罪君豈怨之乎願

君捐怨追惟先王復以教寡人意君曰

意度其然

余且慝心

待之以不善之心

以成而過不顧先王以明而惡使寡人進不

得修功退不得改過君之所揣也

言問量我也

唯君圖之此

寡人之愚意也敬以書謁之樂間乘怨不用其計二人

卒留趙不報

彪謂過而不改然後為過燕王喜過在於復諫伐趙其於間未見其有可絕之處而

能悔如此禮不云乎其嗟也可去其謝也可食何間絕之深也抑其書辭條達明麗婉乎屈曲天下之偉文也正曰責其出奔以明怨薄已而揚過悔艾懲創之意少未見其果可以釋憾而反國也補曰新序以此為燕惠王遣樂毅書考之毅答惠王書云今足下使人數之以罪而史所載惠王讓毅無數罪之語前章燕王使人讓毅且謝之曰云云當是此章之首蓋錯簡也且策以此為樂間答書而末云間乘怨不用其計於乘何與史趙世家孝成王十五年廉頗破殺栗腹虜慶泰樂間則是間為將而被虜燕世家則云奔趙又趙孝成王十六年廉頗圍燕以樂乘為武襄君二十一年孝成王卒廉頗將攻繁陽取之使樂乘代之頗攻乘乘走據策史所記多舛故知此書非樂間事而新序之說為是云

秦并趙北向迎燕

并合也迎以兵迎之

燕王聞之使人賀秦王

始

使者過趙趙王

悼襄

繫之使者曰秦趙為一而天下服矣

燕

元作茲

補曰恐燕字訛

之所以受命於趙者為秦也

言燕先時服趙

者以秦與趙合

今臣使秦而趙繫之是秦趙有隙秦趙有隙

補曰

一本並作郝姚同

天下必不服而燕不受命矣且臣之使秦無

防於趙之伐燕也趙王以為然而遣之使者見秦王曰

燕王竊聞秦并趙燕王使使者賀千金秦王曰夫燕無

道吾使趙有之子何賀使者曰臣聞全趙之時南鄰為

秦北下曲陽為燕

下曲陽屬鉅鹿

趙廣三百里而與秦相距五

十餘年矣所以不能反勝秦者

反猶報也言數為秦敗不能報而勝之

國

小而地無所取今王使趙北并燕

此并謂兼有之

燕趙同力必

不復受命

補

於秦矣臣竊為王患之秦王以為然起兵

而救燕

趙悼襄九年攻燕取狸陽城兵未罷秦攻鄴拔之此十九年

燕太子丹質於秦亡歸見秦且滅六國兵已臨易水恐

其禍至太子丹患之謂其太傅鞠武曰

補曰一本鞠作鞠下同索隱云

音麴又

燕秦不兩立願太傅幸而圖之武對曰秦地遍

天下威脅韓魏趙氏則易水以北未有所定也柰何以

見陵之怨

傳言丹質秦秦遇之不善

欲批其逆鱗哉

批白結切擊也說難龍可擾而

騎也然喉下有逆鱗徑尺人有嬰之則必殺人主亦有補曰一本批作排姚云曾錢作此字

太子曰

然則何由太傅曰請入圖之

請太子入息已乃圖之

居之有間樊

將軍亡秦之燕太子客之

補曰姚本客之

太傅鞠武諫曰不可

夫秦王

始皇

之暴而積怨於燕

怨其亡歸

足為寒心

補曰凡人心寒甚則心

戰恐懼亦戰

又况聞樊將軍之在乎是謂

元作以

補曰史作謂然以義

亦通

委肉當餓虎之蹊

蹊徑也

禍必不振矣

振救也

雖有管晏

不能為之謀也願太子急遣樊將軍入匈奴以滅口請

西約三晉南連齊楚北講於單于然後乃可圖也太子

丹曰太傅之計曠日彌久心惛然恐不能須臾

言已憂思昏瞶

且死須臾不可待

且非獨於此也夫樊將軍困窮於天下歸身

於丹丹終不迫於強秦而棄所哀憐之交置之匈奴是

丹命固卒之時也

知禍且至而猶為之自疑命止於此

願太傅更慮之鞠

武曰燕有田光先生者其智深而慮沉

沉猶深補曰一本其智深其勇

沉史姚同

可與之謀也太子曰願因太傅交於田先生可乎

鞠武曰敬諾出見田光道太子

衍曰字

曰願圖國事於先

生田光曰敬奉教乃造焉太子跪而逢迎却行為道

不敢

背

跪而拂席田先生坐定左右無人太子避席而請曰

燕秦不兩立願先生留意也田光曰臣聞騏驎盛壯之

時一日而馳千里至其衰也駕馬先之今太子聞光壯

盛之時不知吾精已消亡矣雖然光不敢以乏國事也

不令太子

所善荆軻可使也太子曰願因先生得

行願字

所圖有關

願交荆軻可乎田光曰敬諾則起趨出

補曰一本即趨出姚本即起

太子送之至門戒曰丹所報先生所言者國大事也願

先生勿泄也田光俛而笑曰諾

補曰正義曰俛音俯按俛即俯字漢書晁錯傳

俛仰韓信俛出東方朔俛啄顏註即俯

僂行見荆軻

僂致敬貌禮一命而僂

曰光與

子相善燕國莫不知今太子聞光壯盛之時不知吾形

已不逮也幸而教之曰燕秦不兩立願先生留意也光

竊不自外

言不自踈於軻

言足下於太子願足下過太子於宮

荆軻曰謹奉教田光曰光聞長者為行

補曰一本長者之行

不使

人疑之今太子約光曰所言者國大事也願先生勿泄

也是太子疑光也夫為行而使人疑之非節俠士也

荀悅



曰立氣勢作威福結私交  
以立強於世者謂之俠

欲自殺以激荊軻

言其死非為泄欲厲

勉軻使死之耳

曰願足下急過太子言光已死明不言也遂自

剄而死軻見太子言田光已死致光之言

補曰一本此四字作明不

言也姚同史同今本

太子再拜而跪膝下行

以膝行不立行故言下

流涕有

頃而後言曰丹所請田先生不言者欲以成大事之謀

今田先生以死明不泄言豈丹之心哉荊軻坐定太子

避席頓首曰田先生不知丹不肖使得至前願有所道

此天之所以哀燕而不棄其孤也

補曰索隱云無父曰孤時燕王尚在或記

者失辭或諸侯驕子亦僭稱孤也又劉向曰燕王真之太子

今秦有貪利之心而欲

不可足也非盡天下之地臣海內之王者

補曰荀子註引策作牢天

下之

其意不廢今秦已虜韓王

秦十七年虜王安

盡納其地又

舉兵南伐楚北臨趙王翦數十萬之衆距漳鄴而李信

出太原雲中趙不

補曰一本下有能字

支秦必入臣入臣則禍至

燕燕小弱數困於兵今計舉國不足以當秦諸侯服秦

莫敢合從丹之私計愚以為誠得天下之勇士使於秦

闕以重利

闕言示之以利使之見而欲也

秦王貪其贄必得所願矣誠

得劫秦王使悉反諸侯之侵地若曹沫之與齊桓公則

大善矣脫不可因而刺殺之彼大將擅兵於外而內有

大亂則君臣相疑以其間諸侯得合從其償

補曰一本此有破字

姚同

秦必矣此丹之上願不知所以委命

委棄性命猶言不知死所惟

荆卿留意焉久之荆軻曰此國之大事也臣駕下恐不

足任使太子前頓首固請無讓然後許諾於是尊荆軻

為上卿舍上舍太子日造門下供太牢具異物間進車

騎美女恣荆軻所欲以順適其意久之荆卿未有行意

秦將王翦破趙虜趙王遷

十九年

盡收其地進兵北畧地

至燕南界

畧經畧之

太子丹恐懼乃請荊卿曰秦兵旦暮渡

易水則雖欲長侍足下豈可得哉荊卿曰微太子言臣

願得謁之今行而無信則秦未可親也夫

衍今字

今樊將

軍秦王購之金千斤邑萬家誠得樊將軍首與燕督亢

之地圖

後志涿郡方城縣有督亭註引此補曰正義云督亢坡在幽州范陽縣東南今固安縣南有督

亢陌幽州南界劉向別錄云督亢膏腴之地蓋欲獻之故畫圖

獻秦王秦王必說見臣

臣乃得有以報太子太子曰樊將軍以窮困來歸丹丹

不忍以已之私而傷長者之意願足下更慮之荆軻知

太子不忍乃遂私見樊於期

將軍名

曰秦之遇將軍可謂

深矣父母宗族皆為戮沒今聞購將軍之首金千斤邑萬家將柰何樊將軍仰天太息流涕曰吾每念常痛於骨髓顧計不知所出耳軻曰今有一言可以解燕國之

患而報將軍之仇者何如樊於期乃前曰柰何

補曰一本為之

柰何姚同

軻曰願得將軍之首以獻秦王秦王必喜而召見

臣臣左手把其袖右手提其胷

提刺也知鳩反補曰提一作抗故他本連有二

字下文同索隱云抗拒也義非

然則將軍之仇報而燕國見陵之恥除

矣將軍豈有意乎樊於期偏袒扼腕而進曰此臣之日

夜切齒腐心

腐者痛之極補曰勇者奮厲必以左手扼右腕也切齒見前一本拊心

乃今

得聞教遂自刎

刎斷也

太子聞之馳往伏屍而哭極哀既

已無可奈何乃遂盛樊於期之首函封之於是太子預

求天下之利匕首得趙人徐夫人匕首

補曰索隱云徐姓夫人名男子

也取之百金使工以藥淬之

淬當從火堅刀刃也若淬則滅火器爾正曰淬淬通

取內反說文徐云淬劍燒而入水也此謂以毒藥染鏑而淬之也後語註云以藥水鑿匕首為淬鑿古電反

以試人血濡縷

沾濡衣之一縷

人無不立死者乃為裝

行具也

遣

荆軻燕國有勇士秦武陽年十三殺人不敢牾

元作悟

悟

正曰悟忤通姚作忤說見魏策也

乃令秦武陽為副荆軻有所

待欲與俱其人居遠未來而為留待頃之未發太子遲之疑其改悔乃復請之曰日已盡矣荆卿豈無意哉丹請先遣秦武陽荆軻怒叱太子曰今日往而不反者豎子也今提一匕首入不測之強秦僕所以留者待吾客與俱今太子遲之請辭決矣遂發太子賓客知其事者

皆白衣冠以送之至易水上既祖

祖行祭補曰詩毛傳祖而舍較飲酒於其

側曰錢疏較謂祭道路之神封土為山象伏牲其上既祭送者餞之飲畢乘車離之而去

取道高漸

離擊筑荆軻和而歌為變徵之聲

地形訓云變徵為商蓋悲音補曰應劭云

筑似琴而大頭安絃以竹擊之故名按劉子云荆軻如秦宋意擊筑文選高漸離擊筑荆軻歌宋如意和之

士皆垂淚涕泣又前而為歌曰風蕭蕭兮易水寒壯士

一去兮不復還復為羽聲

其音愴愴壯士不得志也補曰一本愴慨羽聲

朱子楚辭後語作羽聲愴慨

士皆瞋目髮盡上衝冠於是荆軻遂就

車而去終已不顧既至秦持千金之資幣物厚遺秦王



寵臣中庶子蒙嘉

補曰中庶子說見前新序鄒陽書作蒙恬蓋誤後語蒙類註云蒙恬弟也

嘉為先言於秦王曰燕王誠振怖大王之威

振震同下同不

敢興兵以逆軍吏

補曰一本以拒大王

願舉國為內臣比諸侯之

列給貢職如郡縣而得奉守先王之宗廟恐懼不敢自

陳謹斬樊於期頭及獻燕督亢之地圖函封燕王拜送

于庭使使以聞大王唯大王命之秦王聞之大喜乃朝

服設九賓

禮大小行人以九儀掌賓客之禮正曰大事記相如奉璧入秦秦王齋五日後乃設九賓

禮於庭註引正義韋昭云九賓則周禮九儀也劉伯莊云九賓者周王之備禮天子臨軒九服同會秦趙安得

九賓但亦陳設車輅文物圖不得以周禮九賓儀為釋愚按前漢書大行設九賓恐即秦儀也見燕使

者咸陽宮

補曰關中記云孝公都咸陽今渭城是也水北曰陽其地在渭水之北九峻諸山之南故

曰咸陽自始皇及胡亥皆都此

荆軻奉樊於期之頭函而秦武陽奉地

圖匣以次進至陞

升高陞也

秦武陽色變振恐羣臣恠之荆

軻顧笑武陽

顧武陽而笑

前為謝曰北蠻夷之鄙人未嘗見

天子故振懼

懼也

願大王少假借之使得畢使於前秦

王謂軻起取武陽所持圖軻既取圖奉之秦王發圖圖

窮而匕首見因左手把秦王之袖而右手持匕首揔之

未至身秦王驚自引而起袖絕拔劍劍長搯其室

搯把持也

與標同晉人多用扣室劍鞘補曰索隱云古者帶劍上長拔之不出室欲王推之於背今前短易拔故云王負

劍

時惶急

惶恐也堅在室牢也

劍堅故不可立拔荆軻逐秦王秦

王環柱而走羣臣驚愕

愕相逐驚也

卒起不意

卒猝同下同

盡失

其度而秦法羣臣侍殿上者不得持尺寸之兵諸郎中

執兵皆陳於殿下非有詔不得上方急時不及召下兵

以故荆軻逐秦王而卒惶急無以擊軻而乃以手共搏

之

搏擊也

是時侍醫夏無且以其所奉藥囊提荆軻

提擣也補

曰且昂于反提姪帝反史  
提文帝提吳太子語同此

秦王方環柱走卒惶急不知

所為左右乃曰王負劍王負劍遂拔以擊荆軻斷其左

股荆軻廢乃引其匕首以提

衍槌字本  
註字也

槌

補曰姚本無  
提字二字即

上槌抗並存之類索隱云槌  
與擲古字同持益反亦提義

秦王不中中柱秦王復擊

軻軻被八創軻自知事不就倚柱而笑箕踞以罵

踞坐  
展兩

足曰箕補曰既斷  
左股何云展兩足

曰事所以不成者乃欲以生劫之必

得約契

復地  
之契

以報太子也左右既前斬荆軻秦王目眩

良久已而論功賞羣臣及當坐者

罪所  
當坐

各有差而賜夏

無且黃金二百鎰曰無且愛我乃以藥囊提荆軻也於

是秦大怒燕益發兵詣趙詔王翦軍以伐燕十月而拔

燕薊城

並此二  
十九年

燕王喜太子丹等皆率其精兵東保於

遼東秦將李信追擊燕王王急用代王嘉計殺太子丹

欲獻之秦秦復進兵攻之五歲而卒滅燕國

秦二十五年此三十三

年而虜燕王喜秦兼天下其後荆軻客高漸離以擊筑

見秦皇帝而以筑擊秦皇帝為燕報仇不中而死

刺客傳有

彪謂太子丹不忍一朝之憤輕亡其國其謀悖矣夫以一夫行劫刺於大國出於倉卒不意或幸以中而欲從

容質責使悉反侵地取契以歸此豈持匕首之所可恃  
鞠武初謀似矣太子不用不能力爭妾婦之明也數士  
之死燕國之亡皆武實為之荆軻之事甚似曹劌其所  
不可者劌發憤於一朝而軻畜謀於積歲且白衣祖送  
者滿路其不漏露而先敗抑已幸矣軻不足道也厥後  
留侯亦袖椎竊發此其人豈愚哉蓋積志仇秦不知所  
不可使其不逢漢帝則亦死以為期不能一日而亡秦  
也豫子高漸離張留侯三人者皆孝子忠臣至一之行  
也惟軻於此則無處焉補曰胡氏謂秦皇狙詐之智虎  
狼之威千騎萬乘之衆揮椎奮擊既無覺者大索天下  
又不能得良非獨免併免力士其智畧之妙固已視呂  
政如置中免何敗獲之有鮑以三人並論愚謂三人報  
仇之志則同以智畧言之則異胡說當矣朱子曰軻  
匹夫之勇其事無足言然於此可以見秦政之無道燕  
丹之淺謀而天下之勢已至於此雖  
聖賢復生亦未知其何以安之也



戰國策校注卷九



欽定四庫全書

戰國策校注卷十

宋 鮑彪 原注

元 吳師道補正

宋

沛梁楚山陽濟陰東平及東郡之須昌壽張補曰漢志壽張下有今之睢陽四字

景公

嗣元公元年恭王四年乙酉補曰史年表景公名頭曼漢書古今人表作兜樂汲塚

師春作癡頭曼兜樂音讀固相混若癡則豈先二名而後一之者邪黃伯思考辨秘閣古器有

宋公繼餘鼎與汲塚各因知異書有不可廢者謾記於此

公輸般

魯之巧人補曰高注公輸般魯般之號也他書或作班古字通漢書班師

為楚設機

天地疏機關也雲梯之屬補曰高注云機械雲梯將以之屬也索隱云械者雲梯撞車飛石車弩之具

攻宋墨子

宋人名翟

聞之百舍重繭

百里一舍補曰此句高注下有重繭累胝也一

句又莊子百舍注百日止宿也按繭即趺字吉典反增韻謂足胝起如繭胝音支

往見公輸般

謂之曰吾自宋聞子

聞其善

吾欲藉子殺王

正曰一本三殺王並作殺

至云人至並而鄰反集韻云唐武后字作至如臣字作至即人也

公輸般曰吾義固不

殺王墨子曰聞公為雲梯

梯之高上入雲

將以攻宋宋何罪之

有義不殺王而攻國是不殺少而殺衆敢問攻宋何義

也公輸般服焉請見之王

見翟於王

墨子見楚王

非昭即惠正曰當缺

曰今有人於此舍其文軒

車有雕飾者正曰文作之車高注

鄰有敝輿

而欲竊之舍其錦繡鄰有短褐

豎使之衣補曰一本短褐姚本注短一作短韓

公考異云短褐一作短方云貨殖傳用短字董彥遠洪

李善皆辨古無短褐字按短褐字賈誼貢禹貨殖傳班

彪劉平張衡傳凡六見班彪論漢書作短文選則用丁

管切是唐儒兩用之故少陵以長纓短褐為對而史記

孟嘗傳國策墨子語皆傳寫之訛今按國策短一作短

史士不得短褐司馬真亦音豎班彪王命論短字韋昭

云當作短襦也又淮南子巫馬期純衣短褐而高誘無

說未必皆傳寫之訛柳子厚亦嘗用之安知韓公之必

不然乎兩存

以俟知者而欲竊之此為何若人也王曰必為有竊

疾矣

疾猶癖

墨子曰荆之地方五千里宋方五百里此猶

文軒之與敝輿也荆有雲夢犀兕麋鹿盈之江漢魚鼈

鼃鼃為天下饒宋所謂無雉兔鮒魚者也

鮒魚之小者正曰爾

雅翼鮒鱖也今作鯽

此猶梁肉之與糟糠也荆有長松文梓楸

楠豫章

大小凡五正曰高注皆大木也補曰楸楠豫章書注梗梓一本楠作枏章作樟姚同楠即枏

宋無長木此猶錦繡之與短褐也臣

元作惡補曰疑惡字誤

以

王吏之攻宋為與此同類也王曰善哉請無攻宋

虎謂翟之

說美矣然此時諸侯固有竊疾強吞弱大并小直患其力不給爾豈為若說止攻哉意者墨守之嚴輸般服疾焉假此說以縮兵則有之彼楚國非止足而無有竊疾者也補曰墨子曰公輸般為雲梯之械成將以攻宋墨

子聞之至于郢見公輸般之攻械盡墨子之守固有餘  
般誦而言曰吾知所以距子矣吾不言墨子亦曰吾知  
子之所以距我者吾不言楚王問其故墨子曰公輸子  
之意不過欲殺臣殺臣宋莫能守雖然臣之弟子禽滑  
釐等三百人已持臣守圍之器在宋城上而待楚寇矣  
雖殺臣不能絕也楚王曰善哉吾請無攻宋城矣史  
云墨翟宋之大夫或云並孔子特或云在其後索隱云  
按別錄墨翟書有文子文子子夏弟子問於墨子如此  
則墨子作七十子後愚按孔子以敬王四十四年卒景  
公以元王七年卒相去十一年檀弓季康子母死般請  
以機封則般亦與孔子相及大事記云楊墨之說肆行  
於天下必在春秋後蓋異端之說非王教盡廢不能興  
也

梁王

裏正  
曰惠

伐邯鄲而徵師於宋宋君使使者請於趙王

武靈正  
曰成侯

曰夫梁兵勁而權重今徵師於敝邑敝邑不從

則恐危社稷若扶梁伐趙

扶謂助之

以害趙國則寡人不忍

也願王之有以命敝邑趙王曰然夫宋之不如梁也

補曰

一本不足如梁高註如當也

寡人知之矣弱趙以強梁宋必不利也

補曰高註梁必兼宋故宋不利之矣

則吾何以告子而可乎

雖知宋不助梁然無辭使

宋不使者曰臣請受邊城

請得攻一城以應梁補曰姚本註臣字曾本自此至卷尾

皆作惠

徐其攻而留其日以待下吏之有城而已

攻之不力使趙

無失城

趙王曰善宋人因遂舉兵入趙境而圍一城焉梁

王甚說曰宋人助我攻矣趙王亦曰

補曰一本趙王亦說曰姚同

宋

人止於此矣故兵退難解德施於梁而無怨於趙故名

有所加而實有所歸

君偃宜無此善以在犀首伐黃下蘇秦論攻宋前故次之此正日大

事記周顯王十五年梁惠十七年宋公剔成十六年宋伐趙圍一城解題曰梁惠王伐邯鄲引策云云又按史世家景公六十四年卒左傳景公在位四十八年卒大事記定從左氏景公卒當元王七年鮑以此次之景公

甚繆

謂大尹

宋卿正曰左傳哀二十六年宋景公無子取得與啓畜諸公官於是云云六卿三族降聽政因

大尹以達杜註近官有寵者鮑因大尹字遂傳會為景公時蓋無稽之言也

曰君日長矣

宋君

君自知政

言親國事

則公無事公不如令楚賀君之孝則君

不奪太后之事矣

后時與政

則公常用宋矣

見用於宋尹蓋太后之人正曰

皆無考

宋與楚為兄弟齊攻宋楚王

威

言救宋宋因賣楚重以

求講於齊

賣謂街鬻之

齊不聽蘇秦為宋謂齊相曰不如與

之

聽其講

以明宋之賣

元作資補曰一本作賣姚同

楚重於齊也楚怒

怒其背已而與齊講

必絕於宋而事齊齊楚合則攻宋易矣

蘇秦與別

成齊宣同時知非閔時正曰此必非景公時



剔成

嗣辟公元年烈王七年壬子立正曰桓公大事記引蘇氏云按索隱汲冢紀年作桓公辟兵莊

子曰桓公出前驅呼辟蒙人以為狂而史記作辟公辟公名辟謚辟事必不爾史記蓋誤

齊攻宋宋使臧子索救於荆荆王

威

大說許救甚勸

補曰

勸力也

臧子憂而反其御曰索救而得有憂色何也臧子

曰宋小而齊大夫救於小宋而惡於大齊此王之所憂也而荆王說甚必以堅我我堅而齊敝荆之利也臧子

乃歸齊王

宣

果拔宋五城而荆王不至

此四章有蘇秦語得為君偃弑

立怒鄰宜不能曲折如此故係之剔成然則孟子所稱者亦皆剔成也正曰此章時不可考缺之可也鮑妄為

傳會至謂孟子所稱皆剔成孟子謂戴不勝子之王薛居州居王所王非偃而誰

君偃

辟公子剔成君弟弑立元年顯王四十一年弟偃攻襲剔成

敗奔齊自立為宋君故大事記書宋公剔成為弟偃所攻出奔齊偃自立

宋

衍康字下同

康王之時

按史君偃在年表世家傳並不書謚正曰索隱云戰國策呂氏春秋

皆以偃

有雀生驪

集韻音欺今江東呼鷓鴣為鷓鴣正謚康王曰此與爾雅鷓鴣鷓鴣註同文鷓鴣音格

鷓鴣音忌鷓鴣音欺按史記好射鷓鴣鷓鴣小鷓也音欺愚按策文云小而生巨以雀生鷓言可也云見祥而不祥鷓

鷓非祥也黃公紹韻會鷓鴣並為一字音期者於城之非新序作鷓所載比策文為詳今通鑑作鷓

陬

陬隅也

使史占之曰小而生巨必霸天下

蓋言遜也補曰高註太史

能辨吉凶之妖祥康王無道不敢  
正對故云危行言遜太史有焉

康王大喜於是滅滕

隱七年註在沛國公丘縣補曰大事記云杜氏世族譜  
滕為齊滅觀孟子所載滕定公文公則杜說誤策所記

是也伐薛取淮北之地乃愈自信欲霸之速成故射天咎

地斬社稷而焚滅之曰威服天下鬼神罵國老諫臣

元

曰補日疑  
字誤

為無顏之冠

冠不覆額補曰史王偃盛血  
以革囊縣而射之命曰射天

淫於酒婦人羣臣諫者  
輒射之諸侯皆曰桀宋

以示勇剖偃之背鏤朝涉之脛

鏤刻脛  
肸也

而國人大駭齊聞而伐之民散城不守王乃逃

倪侯之館

侯其臣也  
正曰無稽

遂得而死

補曰世家云殺王偃年  
表云死於溫溫魏地新

欽定四庫全書

卷十

序得下  
有病字

見祥而不為祥反為禍

補曰元高註云禍謂齊  
湣王與楚魏共伐宋殺

康王而滅國三分其地家語昔者殷王帝辛之世有  
雀生大鳥於城隅占之曰凡以小生大則國家必王而  
名益昌於是帝辛恃雀之德不修國政亢暴無極朝臣  
莫救外寇乃至殷國以亡又說苑孔子曰昔者殷王帝  
辛云云下段亦同愚按宋殷後  
也疑即此一事而記者不同

凡六章

衛

東郡及魏郡黎陽河北之野王  
朝歌後文公徙楚丘黎陽是也

靈公

襄公子元年景王三十  
年丁卯正曰說見趙策

衛靈公近癰疽

孟子有其人蓋醫之  
辛者補曰癰疽瘍醫

彌子瑕

補曰靈公  
幸臣其妻

與子路之妻兄弟亦見孟子

二人者專君之勢以蔽左右復塗偵

衛人

補曰韓非子亦有此文而稍異云侏儒善假夢以見主道恐此復塗偵字或侏儒之訛然彼以癰疽為雍鉏則

誤也

謂君曰昔日臣夢見君君曰子何夢曰夢見竈君君

忽然作色曰吾聞夢見人君者夢見日今子曰夢見竈

君而言君也有說則可無說則死對曰日并燭天下者

也一物不能蔽也若竈則不然前之人煬

煬炙燥也補曰煬餘亮反

莊子煬者避竈釋文炊也蓋炊而向竈者

則後之人無從見也今臣疑人之

有煬於君者也是以夢見竈君君曰善於是因廢癰疽

彌子瑕而立司空狗

元在趙策正曰宜從舊說見趙策

悼公

出公弟元年定王十四年癸酉正曰杜註悼公崩蹟庶弟公子黹史作黹二字並其

淹反大事記周貞定王元年衛悼公元年解題引古史云左傳出公復入八年悼公立事甚詳史記出公復入二十一年卒黹攻出公子自立悼公五年卒

犀首

魏官也非公孫衍正曰據左傳南文子相衛悼公悼公與智伯並時則犀首非公孫衍矣司馬彪謂

犀首為魏官以此策考之悼公元年當貞定王元年至威烈王二十二年三晉始為諸侯時六十餘年是時已有犀首非魏官矣意者其為姓名或號說

伐黃

補曰舊註黃國

名按策言黃不一處此未詳

過衛使人謂衛君

此策以南文子與智伯同時知為悼公補

日左傳出公之入也奪南氏邑杜註子南之子公孫彌牟彌牟與褚師比等逐公越牟如等將納公文子致衆而問曰彌牟亡有益云云遂立悼公南氏相之事在哀公二十五年二十六年

曰敝邑之師過

大國之郊魯無一介之使以存之乎敢請其罪今黃城

將下矣已將移兵造大國之城下

已言已下黃

衛君懼束組

三百緇

組斜文紛綬之屬十首為一緇補曰組屢見前緇古本反說文帶也詩緇滕傳繩也皆與此不

協鮑固高註

黃金三百鎰以遺使者南文子

衛大夫

止之曰是

勝黃城必不敢來不勝亦不敢來是勝黃城則功大名

美內臨其倫

臨言以功處其上倫其輩類

夫在中者

國中

惡臨議其

事

議謂諧短之

蒙大名

蒙冒處之也

挾成功坐御以待中之議

坐

御言不營為

犀首雖愚必不為也是不勝黃城破心而走歸

破心懼甚也

恐不免於罪矣彼安敢攻衛以重其不勝之罪

哉果勝黃城帥師而歸遂不敢過衛

智伯欲伐衛遺衛君野馬

駒駝也

四百壁一

補曰一本白壁姚同

衛

君大說羣臣皆賀南文子有憂色衛君曰一國大懼而

子有憂色何文子曰無功之賞無力之禮不可不察也

野馬四百壁一此小國之禮

補曰一本有也字姚同

而大國致之



君其圖之衛君以其言告邊境智伯果起兵而襲衛至

境而反曰衛有賢人先知吾謀也

補曰說苑吳赤市使智氏及趙簡子以乘

壁遺衛

事相類

智伯欲襲衛乃佯亡其太子使奔衛南文子曰太子顏

為君子也

顏太子名君謂智伯

甚愛而有寵非有大罪而亡必有

故使人迎之於境曰車過五乘慎勿納也智伯聞之乃

止

彪謂南文子衛之賢智人也慮無遺算補曰大事記貞定王十二年晉荀瑶襲衛解題曰失其年國語序

藍臺之宴云還自衛始載于此未必果此年也戰國策云云並載此二年

嗣君

平侯子元年顯王四十五年丁酉

秦攻衛之蒲

秦昭四年取蒲坂此二十三年正曰年表世家拔魏蒲坂蒲坂在河東非衛地世家

衛嗣君時獨有濮陽按史秦昭王元年樗里子伐蒲索隱云樗里疾圍蒲不克而秦惠王薨事與此合正義云

蒲故城在滑州匡城縣此即子路作宰地胡衍謂樗里疾曰公之伐蒲以為

秦乎以為魏乎為魏則善為秦則不賴矣

賴猶

衛所以

為衛者以有蒲也今蒲入於魏

衛恐秦取蒲必自入之魏

衛必折於

魏

往求援也補曰一本蒲入於秦司馬貞引策云今蒲入於秦衛必折而入於魏樗里疾傳有亦作入於秦

魏亡西河之外

秦惠六年正曰秦惠八年魏納河西地後二年魏入上郡於秦而河西濱洛之

失而弗能

地補曰一本有復字姚同

取者弱也今并衛於魏魏必強

魏強之日西河之外必危且秦王

昭

亦將觀公之事害

秦以善

元作害補曰一本作善姚同

魏秦王必怨公樛里疾曰柰何

胡衍曰公釋蒲勿攻臣請為公入戒蒲守

戒告之以釋攻

以德

衛君樛里疾曰善胡衍因入蒲謂其守曰樛里子知蒲

之病也其言曰吾必取蒲今臣能使釋蒲勿攻蒲守再

拜因効金二百鎰

元並作溢

溢

補曰鎰通

焉曰秦兵誠去請厚子

於衛君胡衍取金於蒲以自重於衛樛里子亦得三百

金而歸又以德衛君也

補曰史樗里子傳有

衛使客事魏三年不得見衛客患之乃見梧下先生

以蓋

所居為號補曰高註家有大梧樹因以為號若柳下惠藝文類聚作梧丘

許之以百金梧下

先生曰諾乃見魏王

哀正曰無考

曰臣聞秦出

元作入

入正曰一本

作人兵下有出字

兵未知其所之秦魏交而不脩之日久矣願

王專

元作博

博

補曰字當作專

事秦無有他計魏王曰諾客趨出

客謂

至郎門而反

補曰姚註讀作郭門按韓非子使郎中自開道於郎門之內惠恐郎即廊

見秦

曰

伴若不為衛客偶思念得之

臣恐王事秦之晚王曰何也先

生曰夫人於事已者過急

過猶多

於事人者過緩今王緩

於事已者安能急於事人奚以知之

王問

衛客曰

梧下稱之

事

王三年不得見臣以是知王緩也魏王趨見衛客

彪謂此一

時氣俗無不沒於利者以先生稱於世其人不薄矣而以百金諾人為之行狡猾之計况小子乎彼哉彼哉正曰此策時不可考何得附之嗣君

衛嗣君時胥靡

有罪人蓋賢者也正曰此本高註竊以為不然有罪而逃何以知其賢此慕傳

說之事而誤說者也衛君以金贖之者恥其失政廢刑爾觀其言可見補曰靡忙皮反晉灼曰胥相也靡隨也顏曰連繫相隨而服役之猶今逃之魏衛贖之百金不之囚徒莊子註以鐵鎖相連繫

與乃請以左氏

衛地缺請亦贖也

羣臣諫曰一百金之地贖一

胥靡無乃不可乎君曰治無小亂無大

大小謂國

教化喻於

民三百之城足以為治

補曰三百或言家

民無廉恥雖有十左

氏將何以用之

彪謂衛君之言及此足以興起而不得霸豈輔之者無其人乎以羣臣之所諫

知不及其君遠矣然享國四十餘年不受外兵則三百為治之言允蹈之者歟正曰罪人而逃可謂無政矣割地以求胥靡可謂無謀矣其言雖善事則疾矣補曰韓非子有略同

衛嗣君病富術謂殷順且曰

皆衛人正曰古人以且名者皆子余反如夏無且唐

且龍且之類是也

子聽吾言也以說君勿益損也

使之一如其教

君必

善子人生之所行與死之心異始君之所行於世者食

高麗也

凡有養於口體皆得言食補曰食高麗疑人名

所用者縹錯拏薄也

二臣

名

羣臣盡以為君輕國而好高麗必無與君言國事者

子謂君

補曰子謂君以下今教之以說君也上言死則心異故言此可以動之

君之所行

天下者甚縹錯主斷於國而拏薄輔之自今以往者

公孫氏

衛國姓也故商君衛之庶孽公子也姓公孫氏正曰高註公孫氏謂嗣君也商君前見秦策

不血食矣君曰善與之相印曰我死子制之嗣君死殷

順且以君令相公子

補

期嗣君

縹錯拏薄之族皆逐之

也。虎謂嗣君賢君也。富術稱之貶矣。蓋諫者之言多務為深切詭激之辭。使嗣君不賢。安能受其言而委之。以二臣乎。正曰。鮑誤釋胥靡之事。遂以衛君為賢其實非也。然能從順且之諫。使制二子。猶愈於迷復者也。補曰。繆先結反。

挈女居友

衛人迎新婦。婦上車。問驂馬誰馬也。御曰。惜之。新婦謂

僕曰。拊驂無答服。

惜言愛也。拊尤愛之。正曰。高拊擊也。車兩傍曰驂。轅中曰服。擊其驂則兩

服馬受勞苦也。鮑以為借馬故曰愛者非是。

車至門扶

人扶

教送母

母送婦者將還

之故戒

曰。滅竈將失火。入室見白曰。徙之。牖下妨往來者

主人笑之。此三言者皆至言也。然而不免為笑者。蚤晚



之時失也

初為婦而云然失之蚤也正曰此策時不可

說之以彊惠子出白圭  
告人曰云云與此相類

### 凡九章

中山

漢屬國有盧奴北平北新城唐深澤若陘安國曲逆望都新市補曰索隱云中山故鮮虞

國姬姓也路史杜佑云常山靈壽中山國有故城  
城中有山故號中山漢中山王靖始移居盧奴太  
事記威烈王十二年中山武公初立又按左傳昭  
公十二年晉荀吳假道於鮮虞滅肥是冬晉復伐  
鮮虞杜預云鮮虞北狄別種在中山新市縣中山  
名始見定公四年晉合諸侯召陵謀為蔡伐楚荀  
寅曰諸侯方貳中山不服無損於楚  
而失中山不如辭蔡侯則識時勢也

樂羊為魏將攻中山其子時在中山中山君烹之作羹

致於樂羊樂食之古今稱之曰補樂羊食其子以自信

明害父以求法

此害於父道而羊為之求為狗國之法也補曰說見趙策

犀首立五王

秦韓燕宋中山也楚春秋時王齊宣魏惠顯王三十五年王趙武靈獨不王其後秦

惠十二年韓宣惠燕易王王明年秦惠始王秦惠改元之七年宋偃始王故武靈八年書五國相王即秦七年也正曰大事記周顯王四十六年韓燕中山皆稱王趙獨稱君其後亦稱王解題按戰國策犀首立五王高氏以為齊趙魏燕中山鮑氏以為秦韓燕宋中山二家之說皆非也齊魏王已久秦之王出於張儀宋中山俱小國使宋是時稱王齊何為獨怒中山况偃之稱王又在慎覲之三年乎然則犀首所立五王其可考者韓燕趙

中山其一則不可考也趙武靈王初稱君世家十一年  
書王召公子職於韓則是時已稱王矣七國惟楚僭王  
遠在春秋之世其餘六國魏最先趙最後又顯王三  
十五年齊宣王魏惠王與諸侯會于徐州以相王解題  
云齊魏之王以國策考之蓋在魏拔邯鄲之歲顯王十  
六年而秦紀今年又書齊魏為王未知孰是然策所載  
似得其實蓋魏以邯鄲之勝齊以桂陵之勝各僭稱王  
若今歲魏方衰弱齊亦未有大功何為驟稱王乎今年  
書相王者齊魏僭王已久至是共會諸侯欲其皆王以  
同己之僭也秦紀所書或者齊魏前此稱王於其國至  
此名號始通於諸侯乎又顯王四十四年秦初稱王解  
題云張儀之請也秦紀書魏君稱王衍一魏字愚按趙  
世家武靈王十年五國相王趙獨否曰無其實敢處其  
名乎令國人謂已曰君十一年始云王召公子職也然  
則云五國相王者謂五國皆稱王非謂在此年也鮑誤

### 而中山後持

持猶疑也立  
之後而復疑

正曰高注待中山小故後立

齊謂趙魏曰寡人羞與中山並為王願

與大國伐之以廢其王中山聞之大恐召張登而告之

曰寡人且王齊謂趙魏曰羞與寡人並為王而欲伐寡

人恐亡其國不在索王

今所謀者救亡  
爾不求為王

非子莫能吾救

登對曰君為臣多車重幣臣請見田嬰中山君遣之齊

見嬰子曰臣聞君欲廢中山之王將與趙魏伐之過矣

以中山之小而三國伐之中山雖益廢王

益猶甚也言  
事有甚於此

者猶且聽也且中山恐必為趙魏廢其王而務附焉

趙附

魏也主廢者齊故不附之

是君為趙魏驅羊也

補日高註是君為趙魏驅羊而使得食之

非齊之利也豈若中山廢其王而事齊哉田嬰曰柰何

張登曰今君召中山與之遇而許之王中山必喜而絕

趙魏趙魏怒而攻中山中山急而為君難其王

難則所謂羞與

為王則中山必恐為君廢王事齊

不王中山齊志也今為廢之所以事齊

彼

患亡其國是君廢其王而立其國賢於為趙魏驅羊也

田嬰曰諾張丑曰不可臣聞之同欲者相憎同憂者相

親今五國相與王也負海不與焉

負海齊也先已王補日高註齊不欲與之

同王則與如字

此是欲皆在為王而憂在負海

憂齊廢之

今召中山

與之遇而許之王是奪四

元作五下同

五

正曰一本下三處作四姚同疑此或

有誤國而益負海也

中山與四國同欲今與齊遇是奪彼而益我也

致中山而塞

四國四國寒心必先與之王而故親之是君臨中山而失四國也且張登之為人也善以微計薦中山之君久

矣

薦進也

難信以為利田嬰不聽果召中山君而許之王

張登因謂趙魏曰齊欲伐河東

河東魏地

何以知之齊羞與

中山並

元作之

之為王甚矣今召中山與之遇而許之王

是欲用其兵也豈若令大國先與之王以止其遇哉趙魏許諾果與中山王而親之中山果絕齊而從趙魏

中山與燕趙為王齊閉關不通中山之使其言曰我萬

乘之國也中山百

補曰一本作千姚同

乘之國也何倖名於我欲

割平邑

屬代郡正日正義引括地志平邑故城在魏州昌樂縣東北見趙世家

以賂燕趙

出兵以攻中山藍諸君

中山相也補曰索隱云戰國策望諸作藍諸愚按燕策望諸相

中山恐即此人與樂毅同號者索隱指為毅則誤矣

患之張登謂藍諸君曰公何

患於齊藍諸君曰齊強萬乘之國恥與中山倖名不憚

割地以賂燕趙出兵以攻中山燕趙好倍而貪地

倍謂背約

補曰一本好位姚同註曾作倍

吾恐其不吾據也大者危國次者廢王

柰何吾弗患也張登曰請令燕趙固輔中山

固言輔之堅

而

成其王事遂定公欲之乎藍諸君曰此所欲也曰請以

公為齊王

閔

而登試說公可乃行之藍諸君曰願聞其

說登曰王之所以不憚割地以賂燕趙出兵以攻中山

者其實欲廢中山之王也王曰然然則王之為費且危

夫割地以賂燕趙是強敵也出兵以攻中山首難也

首為



攻伐之難

王行二者所求中山未必得王如用臣之道地不

虧而兵不用中山可廢也王必曰子之道奈何藍諸君

曰然則子之道奈何張登曰王發重使使告中山君曰

寡人所以閉關不通使者為中山之獨與燕趙為王而

寡人不與聞焉

此王此君皆中山正曰王發重使之王指齊王

是以隘之

隘亦不通

也補曰隘當讀作阮

王苟舉玉

補

趾以見寡人請亦佐君中山恐

燕趙之不已據也今齊之辭云即佐王必遁燕趙與王

相見

此並齊王正曰王苟舉趾與即佐王之王指中山

燕趙聞之必怒絕之王

亦絕之是中山孤孤何得無廢以此說齊王齊王聽乎  
藍諸君曰是則必聽矣此所以廢之何在其所以存之  
乎張登曰此王所以存者也

此王中山

齊以是辭來因言告

燕趙而無往

以齊王言告之而不往齊

以積厚於燕趙燕趙必曰齊

之欲割平邑以賂我者非欲廢中山之王也徒欲以離  
我於中山而已親之也雖百平邑燕趙必不受也藍諸  
君曰善遣張登往果以是辭來中山因告燕趙而不往  
燕趙果俱輔中山而使其王事遂定

彪謂張登臆則屢中言之必可行者

也雖其用智有裨闔風氣而術無害亦狡獪可喜非君子之所排也正曰裨闔狡獪豈非君子之所排者因其文之可喜而謂其術之無害悖矣

司馬喜

中山臣補曰姚本喜作憲後同

使趙為已求相中山公孫弘陰

知之中山君出司馬喜御公孫弘參乘公孫弘曰為人

臣招大國之威以為已求相於君何如君曰吾食其肉

不以分人司馬喜頓首於軾曰臣自知死至矣君曰何

也曰

補補曰恐缺曰字

臣抵罪君曰行吾知之矣

行使之行車二人雅不相

善弘無故云然似欲中喜者故知

居頃之趙使來為司馬喜求相中山

君大疑公孫弘公孫弘走出

補曰太史公自序司馬氏其在衛者相中山徐廣云

名喜鄒陽書司馬喜贖於宋而相中山按戰國有兩公孫弘一在齊為孟嘗君見秦昭王者即此人與漢平津為三韓子云公孫弘斷髮而為越王騎又一人也

司馬喜三相中山陰簡難之

簡陰姬名也難謂忌之

田簡謂司馬

喜曰趙使者來屬耳

霍光傳註屬近也正曰詩耳屬于垣史記注屬猶注也言趙使屬耳

中山之事獨不可語陰簡之美乎

趙使近至宜有報可因報使言之趙也

趙必

請之君與之即公無內難矣君弗與趙公因勸君立之

以為正妻陰簡之德公無所窮矣果令趙請之

補君弗

與司馬喜曰君弗與趙趙王

武靈

必大怒大怒則君必危

矣然則立以為妻固無請人之妻不得而怨人者也田

簡自為取使

取請為使也正曰自謂可以取趙使此書取字如此者多為與之善而得其心之義

可以為司馬喜可以為陰簡可以令趙勿請也

簡請使耳實喜

自使見下正曰此章以為語趙使下章以為司馬喜陰使說趙王此正記所傳之異兩可以為之為去聲

姬與江姬爭為后司馬喜謂陰姬公

姬父也

曰事成則有

土得民

言公得封補曰一本子民姚同

不成則恐無身欲成之何不見

臣乎

怪其不來謀

陰姬公稽首

首至地也

曰誠如君言事何可豫

欽定四庫全書

卷十

道者

言將厚報之  
未可先言

司馬喜即奏書中山王

補

曰臣聞弱

趙強中山中山王說而見之曰願聞弱趙強中山之說

司馬喜曰臣願之趙觀其地形險阻人民貧富君臣賢

不肖商敵為資

商較之

未可豫陳也中山王遣之見趙王

武靈

曰臣聞趙天下善為音佳麗人之所出也今者臣來

至境入都邑觀人民謠俗

徒歌曰謠

容貌顏色殊無佳麗好

美者以臣所行多矣周流無所不至未嘗見人如中山

陰姬者也不知者特以為神人

元作力

力

正曰盡力言之

言不能

及也其容貌顏色固以過絕人矣若其眉目准頰權衡

准鼻頰鼻莖權輔骨當作額衡眉上正曰准鼻頭頰額也見孟子感額註蔡澤傳感顴索隱云鼻感眉犀

角偃月

犀角首骨偃月額骨

彼乃帝王之后非諸侯之姬也趙王

意移大說曰吾願請之何如司馬喜曰臣竊見其佳麗口不能無道爾即欲請之是非臣所敢議願王無泄也司馬喜辭去歸報中山王曰趙王非賢王也不好道德而好聲色不好仁義而好勇力臣聞其乃欲請所謂陰姬者中山王作色不說司馬喜曰趙強國也其請之必

矣王如不與即社稷危矣與之即為諸侯笑中山王曰  
為將奈何司馬喜曰王立為后以絕趙王之意世無請  
后者雖欲得請之鄰國不與也中山王遂立以為后趙  
王亦無請言也

此兩章一事爾而曲折小差著書者自以所聞駁異也然則此書之作亦至慎矣補曰司馬喜繩陰姬以語趙王而脅君以行詐取寵視張儀於鄭袖其惡尤甚記者好夸何慎之有

主父欲伐中山使李疵觀之李疵曰可伐也君弗攻恐  
後天下主父曰何以對曰中山之君所傾蓋與車者

傾者

却不御也與之同車皆所尊禮者補曰一本車下無者字姚同

而朝窮閭隘巷之士者



君而朝士亦尊禮也

七十家主父曰是賢君也安可伐李疵曰不

然舉士則民務名不存本

本謂農業

朝賢則耕者惰而戰士

懦

皆不强力也以賢者不耕戰故

若此不亡者未之有也

彪謂李疵小人也乃欲使

人君廢賢而置士夫賢者在位將使耕者愈力戰士愈奮而誰敢惰懦且不賢而耕且戰民之分也何敢與賢者並民惟不務名耳豈有務名而不趨於善者乎若疵者小人之無忌憚者也補曰韓非子有末云舉兵而伐中山遂滅也嘗讀商君之言曰國之所以興者農戰也民求官爵不以農戰而巧言虛道者其國必削詩書禮樂善修仁廉辨慧國有此者上無使守戰敵主必削下民必貧此商君所以遺禮義上首功而富國強兵之術也武靈胡服騎射一反先王之教其桀鶩之志使卒不死而獲逞有以異於秦乎李疵者窺見其所大欲故

以舍士急耕戰之說導之當時風聲氣習不約而合其  
悖繆固不足辨也抑其所稱中山之事也殆未必然大  
事記據呂氏春秋晉太史屠荼謂周威公曰天生民而  
令有別有別人之義也所以異於禽獸麋鹿也君臣上  
下之所以立也中山之俗以晝為夜以夜繼日男女淫  
亂因無別焉其主弗之禁此亡國之風也居二年中山  
果亡其亡之故可考矣使賢俊盛多  
尊禮無失則當時風俗安得至此乎

戰國策校注卷十

李文叔書戰國策後序

戰國策所載大抵皆從橫捭闔譎誑相軋傾奪之說也  
其事淺陋不足道然而人讀之則必尚其說之工而忘  
其事之陋者文辭之勝移之而已且壽考安樂富貴尊  
榮顯名愛好便利得意者天下之所欲也然繳而射之  
或將以致人之憂死亡憂患貧賤苦辱棄損亡利失意  
者天下之所惡也然動而竭之或將以導人之樂至于  
以下求小以高求大縱之以陽閉之以陰無非微妙難

知情雖辨士抵掌而論之猶恐不白今寓之文字不  
過一二言語未必及而意已隱然見乎其中矣由是言  
之則為是說者非難而載是說為不易得也嗚呼使秦  
漢而後復有為是說者必無能載之者矣雖然此豈獨  
人力哉蓋自夏商積制作以至于周而文物大備當其  
盛時朝廷宗廟之上蠻貊窮服之外其禮樂制度條施  
目說而威儀文章可著之簡冊者至三千此數聖人文  
章之實也及周道衰寢淫陵遲幽厲承之于是大壞然

其文章所從來既遠故根本雖伐而氣馥未易遽熄也  
于是浮而散之鍾于談舌而著於言語此莊周屈原孫  
武韓非商鞅與夫儀秦之徒所以雖不深祖吾聖人之  
道而所著書文辭駸駸乎上薄六經而下絕來世者豈  
數人之力也哉今戰國策宜有善本傳於世而舛錯不  
可疾讀意天下之于至寶常不欲使人易得故余不復  
竄定而其完篇皆以丹圈其上云

王覺題戰國策

戰國策三十三篇劉向為之序世久不傳治平初始得錢唐顏氏印本讀之愛其文辭之辯博而字句脫誤尤失其真丁未歲予在京師因借館閣諸公家藏數本參校之蓋十正其六七凡諸本之不載者雜見於史記他書然不敢輒為改易仍從其舊蓋慎之也當戰國之時強者務并吞弱者患不能守天下方爭於戰勝攻取馳說之士因得以其說取合時君其要皆主於利言之合從連衡變詐百出然自春秋之後以迄于秦二百餘年

興亡成敗之迹粗見於是矣雖非義理之所存而辯麗  
橫肆亦文辭之最學者所不宜廢也會有求予本以開  
板者因以授之使廣其傳庶幾證前本之失云清源王  
覺題

孫元忠書閣本戰國策後

臣自元祐元年十二月入館即取曾鞏三次所校定本  
及蘇頌錢藻等不足本又借劉敞手校書肆印賣本參  
攷比鞏所校補去是正凡三百五十四字八年再用諸

本及集賢院新本校又得一百九十六字共五百五十  
籤遂為定本可以修寫黃本入秘閣其後字多脫漏然  
亦間得一兩字癸酉歲臣朴校定右十一月十六日書  
閣本戰國策孫元忠

孫元忠劉元父語

此書舛誤特多率一歲再三讀略以意屬之而已比劉  
原父云吾老當得定本正之否耶

以上皆  
依姚本

右戰國策隋

經籍志三十四卷劉向錄高誘註止二十一卷漢京兆



尹延篤論一卷唐藝文志劉向所錄已闕二卷高誘註  
乃增十一卷延叔堅之論尚存今世所傳三十三卷崇  
文總目高誘註八篇今十篇第一第五闕前八卷後三  
十二三十三通有十篇武安君事在中山卷末不知所  
謂叔堅之論今他書時見一二舊本有未經曾南豐校  
定者舛誤尤不可讀南豐所校乃今所行都下建陽刻  
本皆祖南豐互有失得余頃於會稽得孫元忠所校於  
其族子慤殊為疎略後再扣之復出一本有元忠跋并

標出錢劉諸公手校字比前本雖加詳然不能無疑焉  
如用塋惠字皆武后字恐唐人傳寫相承如此諸公校  
書改用此字殊所不解竇革作唐史釋音釋武后字內  
塋字云古字見戰國策不知何所據云然然塋乃古地  
字又塋字見亢倉子鷗冠子或有自來至於惠字亦豈  
出於古歟幽州僧行均作切韻訓詁以此二字皆古文  
有所見耶孫舊云五百五十籤數字雖過之然間有謬  
誤似非元書也括蒼所刊因舊無甚增損余萃諸本校

定離次之總四百八十餘條太史公所採九十餘條其事異者止五六條太史公用字每篇間有異者或見於他書可以正是悉註於旁辨灤水之為漬水案字之為語助與夫必題校人并題續註者皆余所益也正文遺逸如司馬貞引馬犯謂周君徐廣引韓兵入西周李善引呂不韋言周三十七王歐陽詢引蘇秦謂元戎以鐵為矢史記正義碣石九門本有宮室以居春秋後語武靈王游大陵夢處女鼓瑟之類略可見者如此今本所

無也至如張儀說惠王乃韓非初見秦厲人憐王引詩  
乃韓嬰外傳後人不可得而質矣秦古書見於世者無  
幾而予居窮鄉無書可檢閱訪春秋後語數年方得之  
然不為無補尚覬博採老得定本無劉公之遺恨紹興  
丙寅中秋剡川姚宏伯聲父題

頃歲予辯正鮑彪戰國策註讀呂子大事記引剡川  
姚宏知其亦註是書考近時諸家書錄皆不載則世  
罕有蓄者後得於一舊士人家卷末載李文叔王覺

孫朴劉敞語其自序云嘗得本於孫朴之子慤朴元祐初在館中取南豐曾鞏本參以蘇頌錢藻劉敞所傳併集賢院新本上標錢劉校字而姚又會粹諸本定之每篇有異及他書可正者悉註于下因高誘註間有增續簡質謹重深得古人論撰之意大與鮑氏率意竄改者不同又云訪得春秋後語不為無補蓋晉孔衍所著者今尤不可得尚賴此而見其一二詎可廢邪攷其書成當紹興丙寅而鮑註出丁卯實同

時鮑能分次章條詳述註說讀者眩於浮文往往喜稱道之而姚氏殆絕無足怪也宏字令聲今題伯聲甫待制舜明廷輝之子為刪定官忤秦檜死大理獄弟寬令威憲令則皆顯于時其人尤當傳也余所得本背紙有寶慶字已百餘年物時有碎爛處既據以校鮑誤因序其說于此異時當廣傳寫使學者猶及見前輩典則可仰可慕云至順四年癸酉七月吳師道識

右戰國策隋經籍志三十四卷劉向錄高誘註止二十  
卷漢京兆尹延篤論一卷唐藝文志劉向錄已闕二卷  
高誘註乃增十一卷延篤論時尚存今所傳三十三卷  
崇文總目高誘註八篇印本存者有十篇武安君事在  
中山卷末不詳所謂延篤論今亡矣其未曾經曾南豐  
校定者舛誤尤不可讀其浙建原小本刊行者皆南豐  
所校本也括蒼耿氏所刊鹵莽尤甚宣和間得館中孫  
固孫覺錢藻曹鞏劉敞蘇頌集賢院共七本晚得晁以

道本並校之所得十二焉如用塋惠字皆武后字恐唐人相承如此諸公校書改用此字殊不可解竇革作唐書釋武后用塋字云古地字見戰國策不知何所據而云然塋乃古地字又塋字見亢倉子鷗冠子或有自來至於惠字幽州僧行均作切韻訓詁以此二字云古文豈別有所見邪太史公所採九十三事內不同者五韓非子十五事說苑六事新序九事呂氏春秋一事韓詩外傳一事皇甫謐高士傳三事越絕書記李園一事甚



異而正文遺逸引戰國策者司馬貞索隱五事

豫讓擊襄子之

衣衣盡血呂不韋言周凡三十七王白圭為中山將亡六城還拔中山馬犯謂周君馬犯謂梁王云王病愈作

癒字廣韻七事

晉有大夫芬質音撫文切半干者著書顯名安陵丑雍門周中大夫藍諸晉有亥唐

趙有大夫庫賈音聲訓門也齊威王時有左執法公旗蕃

玉篇一事

驥仰而噴鼓鼻也

太平

御覽二事

涸若耶以取銅破惡山而出錫廊廟之椽非一木之枝先王之法非一士之志

元和

姓纂一事

引風俗通云晉大夫芸賢

春秋後語二事

趙武靈王遊大陵夢處女鼓瑟

平原君覽者注云覽學跋之名

後漢地理志一事

東城九門注云碣石山在縣界

後漢

第八贊一事

廉頗為人勇驚而好士

藝文類聚一事

蘇秦為楚合從元戎以鐵

為矢長八寸一  
弩十矢俱發

北堂書鈔一事

楚人以弱弓微繳如歸鴈之上者

徐廣

注史記一事

韓兵入西周令成君辨說秦求救

張守節正義一事

碣石九門

本有宮室以居

舊戰國策一事

羅尚見秦王曰秦四塞之險利於守不利於戰

李善注

文選一事

蘇秦說孟嘗君曰秦四塞之國高誘注云四面有山關之固故曰四塞之國也

皆今

本所無也至如張儀說惠王乃韓非子初見秦書厲憐

王引詩乃韓詩外傳既無古書可以考證第歎息而已

某以所聞見以為集注補高誘之亡云上章執徐仲冬

朔日會稽姚寬書

右此序題姚寬撰有手寫附于姚註本者文皆與宏  
序同特疏列逸文加詳考其歲月則在後乃知姚氏  
兄弟皆嘗用意此書寬所註者今未之見不知視宏  
又何如也因全錄著之左方以俟博考者吳師道識  
劉勰文心雕龍云從橫之世史職猶存秦并七王而戰  
國有策蓋錄而不叙故即簡為名也

劉知幾史通云從橫互起力戰爭雄秦兼天下而著戰  
國策其篇有東西二周秦楚燕齊三晉宋衛中山合十

二國分為三十三卷夫謂之策者蓋錄而不序故即簡以為名或云漢代劉向以戰國游士為之策謀因謂之戰國策至孔衍又以策所書未為盡善乃引太史公所記參其要刪彼二家聚為一錄號春秋後語除二周及宋衛中山其所留者七國而已始自秦孝公終於楚漢之際比於春秋亦盡二百餘年始衍撰春秋時國語復撰春秋後語勒成二書各為十卷今行于時惟後語存焉又云左傳後經傳不作于是文籍唯有戰國策及太

史公書而已至晉著作郎魯國樂資乃追述二史撰為春秋後傳其書始以周貞王續前傳魯哀公後至王赧入秦文王之繼周終至二世之滅合三十卷

括蒼刊本序

余至括蒼之明年歲豐訟簡頗有文字之暇於是用諸郡例鏤書以惠學者念戰國策未有板本乃取家舊所藏刊焉是書訛舛為多自曾南豐已云疑其不可考者今據所藏且用先輩數家本參定以俟後之君子而已


昔袁悅之還都止齋戰國策曰天下要惟此書而李權從秦宓借戰國策宓曰戰國從橫用之何為蓋學者好惡之不侔如此夫是非取舍要當考合乎聖人之道以自擇要之此先秦古書其叙事之備太史公取以著史記而文辭高古子長實取法焉學者不可不家有而日誦之故余刊書以是為首云紹興四年十月魯人耿延禧百順書

右修職郎司理參軍馬陞校勘

左迪功郎兗州學教授趙渙校勘

左朝散郎通判軍州事崔耀卿

龍圖閣直學士左朝奉大夫知軍州事耿延禧



戰國策校注